

171
972

საბართველოს სსრ განათლების სამინისტრო



ბრძანებუთა და ინსტრუქციათა

კ რ ე ბ უ ლ ი

12

С Б О Р Н И К

ПРИКАЗОВ И ИНСТРУКЦИЙ

МИНИСТЕРСТВА ПРОСВЕЩЕНИЯ ГРУЗИНСКОЙ ССР

დ ე კ ე მ ბ ე რ ი

თბილისი 1972

171
72



გაკანებათა და ინსტრუქციათა
კ რ ე ბ უ ლ ი

12

С Б О Р Н И К

ПРИКАЗОВ И ИНСТРУКЦИЙ
МИНИСТЕРСТВА ПРОСВЕЩЕНИЯ ГРУЗИНСКОЙ ССР

დ ე კ ე მ ბ ე რ ი

თბილისი 1972



ბრძანებულება და ინსტრუქციები

ქ რ ე ბ უ ლ ი

12

С Б О Р Н И К

ПРИКАЗОВ И ИНСТРУКЦИЙ

МИНИСТЕРСТВА ПРОСВЕЩЕНИЯ ГРУЗИНСКОЙ ССР

დ ე კ ე მ ბ ე რ ი

F 3659

თბილისი 1972



საქართველოს სსრ განათლების სამინისტროს 1972 წ.
13 ნოემბრის ბრძანება № 601

ესთეტიკის დარგში რესპუბლიკის მოსწავლეთა ზოგადი
ცოდნის მდგომარეობის შესახებ

რესპუბლიკის ზოგადსაგანმანათლებლო სკოლების მოსწავლეთა მხატვრული თვალთახედვისა და ესთეტიკური გემოვნების შემოწმებამ გამოავლინა, რომ წინა წლებთან შედარებით სკოლაში მოსწავლეთა მხატვრული გემოვნების ფორმირება ძირითადად ჯანსაღი მიმართულებით ხორციელდება, მაგრამ მოზარდი თაობის მხატვრული აღზრდის საქმეში ჯერ კიდევ სერიოზული ნაკლოვანებებია, რაც ამ საქმისადმი ყურადღების გამახვილებასა და ქმედითი ღონისძიებების გატარებას მოითხოვს.

მდგომარეობის გაუმჯობესების მიზნით ვ ბ რ ძ ა ნ ე ბ

§ 1

1. სკოლის დირექტორებმა:

ა) ჯეროვანი ყურადღება მიაქციონ მხატვრული ციკლბის წრეების, ლიტერატურის, გამომეტყველებითი კითხვის, დრამატული, მუსიკალური, ქორეოგრაფიული, სახვითი ხელოვნების, თოჯინების თეატრების, მუსიკალური ჯგუფების, საგუნდო კოლექტივების, ხელოვნების მოყვარულთა კლუბების ჩამოყალიბებას და მათი მუშაობის მაღალ დონეზე წარმართვას;

ბ) გეგმაზომიერად მოაწყონ ლიტერატურული დილა-საღამოები, გასამართლებები, ვიქტორინები, შექმნან წიგნის მოყვარულთა ფარები, ჩაატარონ წიგნის სასკოლო კვირეულები, რეგულარულად მიაწოდონ მოსწავლეებს ინფორმაცია ხელოვნებისა და ლიტერატურის მიღწევების შესახებ. განაზოგადონ შრომის წითელი დროშის ორდენოსანი ბორის ძნელაძის სახელობის თბილისის პიონერთა და მოსწავლეთა სასახლის ლიტერატურის კაბინეტის



გამოცდილება. გამომეტყველებითი კითხვის წრეებმა მოაწოდეს კითხვის საღამოები და კონკურსები (მაგ. „ერთი ლექსის გამოაცრცხლონ დრამატული წრეების მუშაობა, რეგულარულად ჩაატარონ მოსწავლეთა თვითმოქმედების ოლიმპიადები, ნორჩ მუსიკოსთა კონკურსები, ღია და დახურული კონცერტები, სამეჯლისო, მოძმე ხალხებისა და ეროვნული ცეკვების საღამოები და სხვა;

გ) ესთეტიკური ციკლის წრეების მუშაობაზე პასუხისმგებლობა დააკისრონ კლასგარეშე და სკოლისგარეშე მუშაობის ორგანიზატორს და უზრუნველყონ სკოლის სააღმზრდელო გეგმით გათვალისწინებული ყველა საკითხის განუხრელი შესრულება;

დ) განსაკუთრებული ყურადღება მიაქციონ თეატრის, კინოსა და საკონცერტო პროგრამების თემატურად ვაცნობა-გაანალიზებას, მუზეუმებში მასობრივი სვლების მოწყობას;

ე) არსებული პროგრამების მიხედვით ფართოდ გამოიყენონ ფაქულტატიური მეცადინეობის საათები ხელოვნების სხვადასხვა დარგების შესასწავლად;

ვ) მაქსიმალურად გამოიყენონ ესთეტიკური აღზრდის რესპუბლიკური სამეცნიერო-მეთოდური კაბინეტის გამოცემები, მეთოდური სახის ბროშურები, ბიულეტენი „ესთეტიკური აღზრდა სკოლაში“, მითითებანი და სხვ.

2. ესთეტიკური აღზრდისა და მისი გაუმჯობესების საკითხები პერიოდულად განიხილონ პედაგოგიური საბჭოს სხდომებზე და მიადწიონ იმას, რომ ესთეტიკური აღზრდის გაუმჯობესება სკოლაში გახდეს მთელი პედაგოგიური კოლექტივის ამოცანა და ყოველდღიური ზრუნვის საგანი.

3. ესთეტიკური აღზრდისათვის მაქსიმალურად გამოიყენონ სწავლების ტექნიკური საშუალებები, მაგნიტოფონები, კინოაპარატები, ელექტროდამკვრელები და სხვა.

§ 2

რაიონისა და ქალაქების განათლების განყოფილებათა გამგებმა:

1. ქმედითი ღონისძიებანი განახორციელონ ესთეტიკური ციკლის საგნების სწავლებისა და წრეობრივი მუშაობის გაუმჯობესების მიზნით. აქტიურად ჩააბან ამ საქმიანობაში შემოქმედებითი ინტელიგენციის წარმომადგენლები, უზრუნველყონ მოსწავლეთა სისტემატური კოლექტიური დასწრება სპექტაკლებსა და კინოფილმებზე და მათი გარჩევა.



2. ჩაატარონ რაიონული და საქალაქო ღონისძიებები: დილა-საღამოები, შეხვედრები ხელოვნების მუშაკებთან, ლიტერატურული გამორების გასამართლებები, ლექცია-კონცერტები და სხვ.

3. შემოიღონ პრაქტიკაში ინფორმაციის დღე ესთეტიკური ციკლის შესწავლებლებისათვის საბჭოთა და მოწინავე საზღვარგარეთული ლიტერატურისა და ხელოვნების მიღწევების გაცნობის მიზნით.

§ 3

საქართველოს სსრ განათლების სამინისტროს ესთეტიკური აღზრდის რესპუბლიკურმა სამეცნიერო-მეთოდურმა კაბინეტმა (ჯ. მუჯირი):

- ა) უზრუნველყოს სკოლები ესთეტიკური აღზრდის საკითხებზე სპეციფიკური მეთოდური და საინფორმაციო ხასიათის ბროშურებით; სისტემატურად ჩაატაროს რესპუბლიკის ქალაქებსა და რაიონებში გასვლითი სემინარები, საინფორმაციო საუბრები და სხვა;
- ბ) რეგულარულად შეამოწმოს მოსწავლეთა ესთეტიკური განვითარების დონე და შედეგების გაანალიზების შემდეგ გაატაროს შესაფერისი ღონისძიებანი;
- გ) მასწავლებლებთან, მოსწავლეებთან და მშობლებთან თეატრის, კინოს, მუსიკის, სახვითი ხელოვნებისა და ქორეოგრაფიის შესახებ ლექციების ციკლის წასაკითხად მოიწვიოს რესპუბლიკის წამყვანი ხელოვნებათმცოდნეები და მსახიობები.

§ 4

ეთნოვოს საბავშვო გაზეთებისა და ჟურნალების რედაქციებს შემოიღონ სპეციალური კუთხე ლიტერატურისა და ხელოვნების შესახებ მოსწავლეთა კრიტიკული წერილების, მოსაზრებების, შთაბეჭდილებების გამოსაქვეყნებლად.

§ 5

ეთნოვოს საქართველოს სსრ კულტურის სამინისტროს რეგულარულად მოაწყოს თეატრების გასვლითი წარმოდგენები რესპუბლიკის რაიონული ცენტრების, ქალაქებისა და სოფლების მოსწავლეთათვის. ამასთან ერთად განახორციელოს ღონისძიებანი საქართველოს სსრ სახელმწიფო ფილარმონიის სასკოლო საესტ-

§ 6

ეთხოვოს საქართველოს სსრ მინისტრთა საბჭოს ტელევიზიისა და რადიომუწყებლობის კომიტეტს: ესთეტიკისა და ხელოვნებათმცოდნეობის საკითხებზე სკოლებისათვის შექმნას ტელეფილმების სპეციალური სერიების კურსი — მოზარდებთან მუშაობის სპეციფიკის გათვალისწინებით.

საფუძველი: საქართველოს სსრ განათლების სამინისტროს კოლეგიის 1972 წლის 25 მაისის დადგენილება.

საქართველოს სსრ განათლების
მინისტრი თ. ვ. ლაშქარაშვილი

საქართველოს სსრ მსუბუქი მრეწველობისა და
საქართველოს სსრ განათლების სამინისტროების
1972 წლის 20 ნოემბრის ბრძანება № 620/490

საქართველოს სსრ მსუბუქი მრეწველობის სამინისტროს სისტემის
ხაწარმოთა მუშების ზოგადსაგანმანათლებლო მომზადების
გაუმჯობესების ღონისძიებათა შესახებ

სსრ XXIV ყრილობის დირექტივები დიდმნიშვნელოვან როლს
აკეთებენ საღამოს (ცვლის) სკოლებს ახალგაზრდობის საყოველ-
თაო საშუალო განათლებაზე გადასვლის დამთავრების საქმეში.

წარმოებაში დასაქმებული ახალგაზრდობის სწავლებაში საუ-
კეთესო შედეგებს ძირითადად ის საღამოს (ცვლის) სკოლები
გვაძლევენ, რომლებიც უშუალოდ საწარმოებთან არსებობენ;
ასე, მაგალითად, ქ. თბილისის მე-18 საღამოს სკოლა (სართავ-
სატრიკოტაჟო კომბინატთან), 23-ე სკოლა (თბილისის წინდების
ფაბრიკა „კრწანისთან“), მე-11 საღამოს სკოლა (თბილისის აბრე-
შუმის საწარმოო გაერთიანებასთან) და სხვ.

წარმოებაში დასაქმებული ახალგაზრდობის ზოგადსაგანმა-
ნათლებლო ცოდნის შემდგომ ასამაღლებლად ერთობლივი საქმიან-
ობის დადებით მაგალითს იძლევა გორის ბამბეულის კომბინა-
ტისა და მასთან არსებული საღამოს სკოლის ხელმძღვანელობა:
კომბინატმა სკოლისათვის ააგო საშუალო სკოლის ტიპური შე-
ნობა, შეუძინა დგამ-ავეჯი და კაბინეტ-ლაბორატორიები, აღრი-
ცხული ჰყავს კომბინატში მომუშავე 16—29 წლის ასაკის ახალ-
გაზრდობა, შედგენილია მათი სწავლებას სამწლიანი პერსპექტიუ-
ლი გეგმა: აღნიშნული ასაკის ახალგაზრდობას შორის სათანადო
ახსნა-განმარტებითი მუშაობის საწარმოებლად შექმნილია საორ-
განიზაციო კომისია; მუშა-მოსწავლეთა სწავლების სწავლასა და
საკითხს იხილავენ ცალკეული ფაბრიკების მუშათა საერთო კრებებსა
და ალკკ კომიტეტთა სხდომებზე. აღნიშნულ ღონისძიებათა შედე-

გად. კომბინატის ფაბრიკებში დასაქმებული 16—29 წლის ასაკის რვაწლიანი და საშუალო განათლების არამქონე 232 ახალგაზრდები და სწავლებაშია ჩაბმული 173.

ამასთან ერთად, რესპუბლიკის მუშაობის მრეწველობის სამინისტროს სისტემის საწარმოებს მომუშავე ახალგაზრდების ზოგადსაგანმანათლებლო ცოდნის დონის ამაღლებისათვის ზრუნვის საქმეში აქვთ მთელი რიგი არსებითი ხასიათის ნაკლოვანებანი.

მიუხედავად იმისა, რომ ჯერ კიდევ სამი წლის წინათ შეიქმნა საღამოს (ცვლის) სკოლების მუშაობის საზოგადოებრივი დათვალიერების მომწყობის საქალაქო და რაიონული კომისიები, დღემდე ზოგი მათგანი უფერულად, ნაკლები პასუხისმგებლობით მუშაობს. საქმარისია ითქვას, რომ ისეთ მსხვილ საწარმოში, როგორცაა თბილისის მაუდ-კამოლის კომბინატი, დღემდე არა აქვთ სწავლებაში ახალგაზრდობის ჩაბმის სამწლიანი პერსპექტიული გეგმა. არადა მაკმაყოფილებლად არის დაყენებული ახსნა-განმარტებითი მუშაობა წარმოებაში დასაქმებულ ახალგაზრდობას შორის, რის შედეგადაც 16—29 წლის ასაკის რვაწლიანი და საშუალო განათლების არამქონე 163 ახალგაზრდიდან სწავლებაშია ჩაბმული მხოლოდ 71.

თბილისის აბრეშუმის საწარმოთა გაერთიანებას არა აქვს არამარტო პერსპექტიული გეგმა, არამედ თვით სათანადო ასაკის მომუშავე ახალგაზრდების დაზუსტებული აღრიცხვა და ცნობები მათი განათლების შესახებ.

მსუბუქი მრეწველობის სამინისტროს სისტემის საწარმოებთან არსებულს ქ. თბილისის მე-11, მე-19 და ქ. გორის მე-2 საღამოს (ცვლის) სკოლებში აღვილი აქვს მოსწავლეთა მიერ გაკვეთილების არასაპატიო მიზეზით გაცდენასა და სკოლიდან გასვლის ხშირ შემთხვევებს, რაც გამოწვეულია იმითაც, რომ სათანადო წარმატების მქონე მოსწავლეები ჯერ კიდევ არასაკმაოდ სარგებლობენ მთავრობის მიერ დაწესებული შეღავათებით საღამოს სკოლების მოსწავლეთათვის შემცირებული სამუშაო კვირის ან შემცირებული სამუშაო დღის დაწესების შესახებ.

საღამოს (ცვლის) სკოლების დიდ ნაწილში დღემდე არ ეწყობა ცვლიანი მუშაობა, რაც დიდად უშლის ხელს სწავლებაში განსაკუთრებით ქალების ჩაბმას, სკოლებში სასწავლო-აღმზრდევლობითი მუშაობის შემდგომ გაუმჯობესებას.

სსრ კავშირის მსუბუქი მრეწველობის მინისტრისა და სსრ კავშირის განათლების მინისტრის 1972 წლის 28 ივლისის № 406/88 ერთობლივი ბრძანების — „სსრ კავშირის მსუბუქი მრეწველობის სამინისტროს სისტემის საწარმოთა მუშების ზოგადსაგანმანათლებლო მომზადების გაუმჯობესების ღონისძიებათა შესახებ“ შესასრულებლად,

ვ ბ რ ძ ა ნ ე ბ

1. აფხაზეთისა და აჭარის ასსრ განათლების მინისტრებმა, სამხრეთ ოსეთის ავტონომიური ოლქის, რესპუბლიკის შესაბამისი ქალაქებისა და რაიონების განათლების განყოფილებათა გამგებმა:

ა) მიიღონ ზომები სალამოს (ცვლის) სკოლების მუშაობის რეჟიმის მოსაწესრიგებლად იმ ანგარიშით, რომ დადგენილი წესის მიხედვით, სადაც ეს საჭიროა, მოაწყონ მეცადინეობა ცვლების, აგრეთვე სწავლების როგორც დასწრებული, ისე დაუსწრებელი ფორმების მიხედვით, თვით საწარმოებთან შექმნან სკოლების საკონსულტაციო ჯგუფები, სადაც სამუშაოდ გამოიყენონ ერთ-ერთი გამოსასვლელი დღე;

ბ) სალამოს სკოლების ხელმძღვანელებისა და მასწავლებელთათვის საზოგადოებრივ სწყისებზე მოაწყონ სამკცნიერო-მეთოდური ხასიათის მეცადინეობანი წარმოების საფუძვლების შესასწავლად;

დ) დაავალდებულონ სალამოს სკოლების ხელმძღვანელები, აქტიური მონაწილეობა მიიღონ სწავლებაში ახალგაზრდების ჩაბმის საგეგმო დავალებათა დამუშავებაში, განსაკუთრებული ყურადღება მიაქციონ საფაბრიკო-საქარბნო და პროფესიულ-ტექნიკური სასწავლებლები, ქსელის გაშლასა და მათ განმტკიცებას სწავლების ერთი ან ორწლიანი ვადით;

ე) სისტემატურად ჩააყენონ საემის კურსში მსუბუქი მრეწველობის საწარმოთა ხელმძღვანელები წარმოებაში დასაქმებული ახალგაზრდების სწავლებაში ჩაბმის, სასწავლო მეცადინეობაზე მათი დასწრების, აკადემიური წარმატების, დისციპლინისა და სხვ. შესახებ;

ვ) გატარონ დაუყოვნებლივი ღონისძიებანი პროფკავშირული, კომკავშირული ორგანიზაციებისა და სახალხო განათლების ორგანოების მუშაობის სრულიად საკავშირო დარღვევების, რომელიც ტარდება დევიზით — „ყოველ ახალგაზრდა მშრომელს — საშუალო



განათლება“, მაღალ დონეზე ჩასატარებლად. ამასთან, აქტიურად ჩააბან ამ მუშაობაში ადგილებზე არსებული საღამოს სკოლების მუშაობის ხელშეწყობი მუდმივმოქმედი კომისიები.

2. რესპუბლიკის მსუბუქი მრეწველობის საწარმოთა ხელმძღვანელებმა:

ა) სკოლების დირექტორებთან ერთად ჩაატარონ მათდამი დაქვემდებარებულ საწარმოებში მომუშავე 16—29 წლის ასაკის რვა კლასისა და საშუალო განათლების არამქონე მომუშავე ახალგაზრდების ზუსტი აღრიცხვა;

ბ) შეიმუშაონ და მიმდინარე წლის 25 დეკემბრამდე წარმოადგინონ მსუბუქი მრეწველობის სამინისტროში განზოგადებული პერსპექტიული გეგმები. ამასთან, მტკიცედ განაზღვრონ სწავლებაში ახალგაზრდობის ჩაბმის ყოველწლიური დავალებანი: მუშა-მოსამსახურეთა ზოგადსაგანმანათლებლო ცოდნის დონის ამაღლების საკითხები შეიტანონ საწარმოთა სოციალური განვითარების გეგმებში იმ ანგარიშით, რომ 1975 წლისათვის წარმოებაში დადასაქმებული არც ერთი ახალგაზრდა არ დარჩეს საშუალო განათლების გარეშე. განსაკუთრებული ყურადღება მიექცეს სწავლებაში წვევამდელი და გასაწვევი ასაკის ახალგაზრდობის ჩაბმას;

გ) სახალხო განათლების ორგანოებთან ერთად ადგილებზე გადასინჯონ საღამოს სკოლების ქსელი და, სადაც ეს საჭირო აღმოჩნდება, დააყენონ საკითხი ახალგაზრდობის თვით სამუშაო ადგილებზე სკოლების სასწავლო-საკონსულტაციო პუნქტების გახსნის შესახებ,

დ) ყოველწლიურად შეუწყონ ხელი საღამოს (ცვლის) სკოლებს სასწავლო-მატერიალური და ტექნიკური ბაზის განმტკიცებაში, გამოუყონ მათ მეცადინეობისათვის ვარჯისი შენობები ცვლების მიხედვით მუშაობის მოსაწყობად, დაეხმარონ კაბინეტ-ლაბორატორიებითა და თვალსაჩინო ხელსაწყო-იარაღებით უზრუნველყოფაში;

ე) მტკიცედ იხელმძღვანელონ ზემდგომი ორგანოების დადგენილებით—იმ პირთათვის შემცირებული სამუშაო დღის ან შემცირებული სამუშაო კვირის დაწესების შესახებ, რომლებიც წარმატებით სწავლობენ წარმოებისაგან მოუწყვეტლივ მუშა და სოფლის ახალგაზრდობის სკოლებში, საღამოს (ცვლის, სეზონურ) და დაუსწრებელ საშუალო ზოგადსაგანმანათლებლო სკოლებში“.

გ) სისტემატურად წაახალისონ ის ახალგაზრდები, რომლებიც წარმატებით ურთიერებენ ერთმანეთს სწავლასა და შრომას, ამისათვის მათთვის საკვალიფიკაციო თანრიგების მინიჭების თუ ამალ-ლების დროს, აგრეთვე უფრო საბასუხისმგებლო სამუშაოზე გადაყვანისას გაითვალისწინონ ახალგაზრდების სწავლისა და შრომის შეხამების უნარი;

ზ) კოლექტიურ ხელშეკრულებებსა და სოციალისტური შეჯიბრების პირობებში აუცილებლად შეიტანონ ვალდებულებანი ახალგაზრდობის ზოგადსაგანმანათლებლო მომზადებაზე, რასაც ანგარიში გაუწიონ შედეგების დაჯამების, აგრეთვე კომუნისტური შრომის დამკვერელის წოდების მინიჭების დროს.

3. საწარმოებისა და საღამოს (ცვლის) სკოლების ხელმძღვანელებმა გაითვალისწინონ, რომ:

ა) პასუხისმგებლობა მსუბუქი მრეწველობის საწარმოებში მომუშავე ახალგაზრდების ზოგადსაგანმანათლებლო მომზადებაზე თანაბრად ეკისრებათ საწარმოებისა და სკოლების ხელმძღვანელებს;

ბ) საწარმოსთან არსებულ საღამოს სკოლების მუშაობის გასაუმჯობესებლად მიმართული ღონისძიებანი ერთობლივად მუშავდება და ხორციელდება წარმოებისა და სკოლის ხელმძღვანელთა მიერ.

4. სახალხო განათლების შესაბამისმა ორგანოებმა და სათანადო საწარმოთა ხელმძღვანელებმა ინფორმაცია ამ ბრძანების შესრულების მიმდინარეობის შესახებ წარმოადგინონ 1973 წლის 1-ელ იანვრამდე.

5. მეთვალყურეობა ამ ბრძანების შესრულების მიმდინარეობაზე დაეკისროთ საქართველოს სსრ მსუბუქი მრეწველობის ხელმძღვანელი კადრების განყოფილებას და საქართველოს სსრ განათლების სამინისტროს საღამოს (ცვლის) და დაუსწრებელი სკოლების სამმართველოს.

საფუძველი: საქართველოს სსრ მსუბუქი მრეწველობის სამინისტროსა და საქართველოს სსრ განათლების სამინისტროს კოლეგიების 1972 წლის 16 ნოემბრის ერთობლივი დადგენილება.

საქართველოს სსრ მსუბუქი მრეწველობის მინისტრი

გ. გამცემლიძე

საქართველოს სსრ განათლების მინისტრი

თ. ლაშქარაშვილი

საქართველოს სსრ განათლების სამინისტროს 1972 წ.
21 ნომერის ბრძანება № 622

ვაქვეყნებ საქართველოს კვ ცენტრალური კომიტეტის,
საქართველოს სსრ მინისტრთა საბჭოსა და საქართველოს
პროფესიული კავშირების რესპუბლიკური საბჭოს 1972 წლის
22 აგვისტოს დადგენილებას— „ახალგაზრდობის პროფესიული
ორიენტაციისათვის მუშაობის გაუმჯობესების შესახებ“

„საქართველოს კვ ცენტრალური კომიტეტი,
საქართველოს სსრ მინისტრთა საბჭო და საქართველოს
სსრ პროფესიული კავშირების რესპუბლიკური საბჭო

დადგენილება № 455

1972 წლის 22 აგვისტო
ქ. თბილისი

ახალგაზრდობის პროფესიული ორიენტაციისათვის მუშაობის
გაუმჯობესების შესახებ

საქართველოს კვ ცენტრალური კომიტეტი, საქართველოს
სსრ მინისტრთა საბჭო და საქართველოს პროფესიული კავშირების
რესპუბლიკური საბჭო აღნიშნავენ, რომ პროფესიების შეგნებულად
აშორჩევისათვის ახალგაზრდობის მომზადება ერთ-ერთი ფრიად-
მნიშვნელოვანი სახალხო-სამეურნეო ამოცანაა.

ამ უკანასკნელი წლების მანძილზე რესპუბლიკის ქალაქებსა
და რაიონებში გარკვეულ მუშაობას ეწევიან ახალგაზრდობის შრო-
მითი აღზრდისა და პროფესიული ორიენტაციისათვის.

ამასთანავე ახალგაზრდობის პროფესიულ ორიენტაციას უმ-
რავლეს ზოგადსაგანმანათლებლო სკოლებში ზერეღედ და არა

ჯეროვანი მიზანსწრაფვით ეწევიან, სკოლები საკმაოდ არ არიან ინფორმირებული, თუ რა პერსპექტიული მოთხოვნებია მუშათა კადრებზე სახალხო მეურნეობაში, ისინი არ არიან უზრუნველყოფილი ლიტერატურით, სახელმძღვანელოებითა და თვალსაჩინო ინფორმაციით სხვადასხვა პროფესიათა შესახებ; სკოლებში დაბალ დონეზეა შრომითი სწავლება.

რესპუბლიკაში არ არის მოწყობილი ჯეროვანი კონსულტაციები ახალგაზრდობის პროფესიული ორიენტაციის შესახებ, არ სწავლობენ იმ სამინისტროების და უწყებების მეცადინეობის კოორდინაცია, რომლებიც მოწოდებელი არიან დაეხმარონ სკოლას, რათა მოამზადონ მოსწავლე ახალგაზრდობა პროფესიების შეგნებულად ამორჩევისათვის.

მუშათა პროფესიების პრობაგანდას დამაკმაყოფილებლად არ ეწევიან პრესაში, რადიოში და ტელევიზიით.

საქართველოს კვ საოლქო კომიტეტები, საქალაქო კომიტეტები და რაიკომები, აფხაზეთის ასსრ და აჭარის ასსრ მინისტრთა საბჭოები, სამხრეთ ოსეთის ავტონომიური ოლქის, რესპუბლიკის ქალაქებისა და რაიონების მშრომელთა დეპუტატების საბჭოების აღმასრულებელი კომიტეტები, პროფკავშირთა რესპუბლიკური კომიტეტები, საქართველოს ალკვ საოლქო კომიტეტები და რაიკომები ჯერ კიდევ არ აქცევენ ჯეროვან ყურადღებას სკოლებსა და საწარმოებში ახალგაზრდობის პროფესიული ორიენტაციისათვის მუშაობას.

ახალგაზრდობის პროფესიული ორიენტაციისათვის მუშაობის გაუმჯობესების მიზნით საქართველოს კომუნისტური პარტიის ცენტრალური კომიტეტი, საქართველოს სსრ მინისტრთა საბჭო და საქართველოს პროფესიული კავშირების რესპუბლიკური საბჭო

ა დ გ ე ნ ე ნ:

1. საქართველოს კომუნისტური პარტიის საოლქო კომიტეტებმა, საქალაქო კომიტეტებმა და რაიკომებმა, აფხაზეთის ასსრ და აჭარის ასსრ მინისტრთა საბჭოებმა, სამხრეთ ოსეთის ავტონომიური ოლქის, რესპუბლიკის ქალაქებისა და რაიონების მშრომელთა დეპუტატების საბჭოების აღმასრულებელმა კომიტეტებმა, პროფკავშირთა რესპუბლიკურმა კომიტეტებმა, საქართველოს ალკვ საოლქო კომიტეტებმა, საქალაქო კომიტეტებმა, საქართველოს მინისტრთა საბჭოს შრომითი რესურსების გამოყენების სახელმწიფო კომიტეტმა, საქართველოს სსრ განათლების სამინისტრომ, რესპუბლიკის სამინისტროებმა და უწყებებმა:

—დასახონ და განახორციელონ კონკრეტული დონისძიებები, რომლებიც უზრუნველყოფენ ამ დადგენილებაში აღნიშნულ საკვლეოვანებათა უსწრაფეს აღმოფხვრას და ახალგაზრდობის სიუხლი ორიენტაციისათვის მუშაობის შემდგომ გაუმჯობესებას;

—მოსწავლეთა პოლიტექნიკური სწავლების გაუმჯობესებისა და მათი სუბოვადობრივ-სასარგებლო შრომისათვის მომზადების მიზნით დაევალოთ საწარმოთა, მშეებლობათა, კოლმეურნეობათა და საბჭოთა მეურნეობათა პარტიულ, საბჭოთა, პროფკავშირულ და კომკავშირულ ორგანიზაციებს, ხელმძღვანელებს ყოველმხრივი დახმარება გაუწიონ სკოლებს მოსწავლეთა შრომითი აღზრდის მოწყობაში, პოლიტექნიკური სწავლებისათვის საჭირო სასწავლო-მატერიალური ბაზის შექმნაში, საამისოდ საჭირო სპეციალისტთა გამოყოფაში.

—გააქტივონ რვაწლიან და საშუალო სკოლებში მუშაობა პროფესიული ორიენტაციისათვის იმ გზით, რომ გააცნონ მოსწავლეებს სახალხო მეურნეობის სხვადასხვა დარგი და ყველაზე უფრო გავრცელებული პროფესიები.

2. იმ მიზნით, რომ რესპუბლიკის სამინისტროებსა და უწყებებში, საწარმოებსა და ორგანიზაციებში გაუმჯობესდეს ახალგაზრდობის პროფესიული ორიენტაციისათვის მუშაობის კოორდინაცია და შემუშავდეს რეკომენდაციები ამ მუშაობის სრულყოფისათვის, შეიქმნას ახალგაზრდობის პროფესიული ორიენტაციის რესპუბლიკური საუწყებათაშორისო საბჭო საქართველოს სსრ მინისტრთა საბჭოს თავმჯდომარის მთადგილის მეთაურობით.

საქართველოს სსრ მინისტრთა საბჭომ განიხილოს და დაამტკიცოს საუწყებათაშორისო საბჭოს შემადგენლობა.

მიზანშეწონილად იქნეს მიჩნეული ახალგაზრდობის პროფესიული ორიენტაციის საუწყებათაშორისო კომისიების შექმნა რესპუბლიკის დიდი ქალაქებისა და რაიონების მშრომელთა დეპუტატების საბჭოების აღმასკომებთან.

3. საქართველოს სსრ განათლების სამინისტრომ:

ა) საქართველოს სსრ მეცნიერებათა აკადემიასთან, საქართველოს სსრ უმაღლესი და საშუალო სპეციალური განათლების სამინისტროსთან, საქართველოს სსრ მინისტრთა საბჭოს პროფესიულ-ტექნიკური განათლების სახელმწიფო კომიტეტთან და საქართველოს სსრ მინისტრთა საბჭოს შრომითი რესურსების გამოყენების სახელმწიფო კომიტეტთან ერთად, 1972 წლის 15 ნოემბრამდე



შეიმუშაოს ზოგადსაგანმანათლებლო სკოლებში ახალგაზრდობის პროფესიული ორიენტაციისათვის დიფერენცირებული მუშაობის მეცნიერულად დასაბუთებული რეკომენდაციები;

ბ) საშუალო ზოგადსაგანმანათლებლო სკოლებში, მეექვსე კლასიდან აწარმოოს სისტემატური და გეგმაზომიერი მუშაობა პროფესიული ორიენტაციისათვის, აქტიური მონაწილეობა მიაღებინოს ამ მუშაობაში პროფესიულ-ტექნიკური განათლების სასწავლებლების ინჟინერ-პედაგოგებს და ზოგადსაგანმანათლებლო სკოლის მასწავლებლებს, აგრეთვე წარმოების მოწინავეებსა და საწარმოს ინჟინერ-ტექნიკურ მუშაკებს. უფრო ფართოდ გააცნოს მოსწავლეებს თანამედროვე სამრეწველო და სასოფლო-სამეურნეო წარმოება, მასობრივი მუშათა პროფესიები, მუშათა შრომის პირობები, მოაწყოს სკოლის მოსწავლეთა ექსკურსიები პროფესიულ-ტექნიკურ სასწავლებლებში, საწარმოებში და მშენებლობებზე, კოლმეურნეობებსა და საბჭოთა მეურნეობებში, მათი შეხვედრები შრომის მოწინავეებთან და ვეტერანებთან, ზოგადსაგანმანათლებლო სკოლებში, შეფი საწარმოებისა და ორგანიზაციების მონაწილეობით, შეძლებისდაგვარად შექმნას პროფესიული ორიენტაციის კაბინეტები ან კუთხეები;

გ) დაავალოს საშუალო ზოგადსაგანმანათლებლო სკოლების დირექტორებს ყოველწლიურად, მოსწავლეების მიერ მეჩვე და მათე კლასების დამთავრებამდე სამი თვით ადრე შეატყობინონ ახალგაზრდობის შრომითი მოწყობის რაიონულ კომისიებს იმ კურსდამთავრებულთა რაოდენობა, რომლებმაც სურვილი განაცხადეს იმუშაონ წარმოებაში ან განაგრძონ სწავლა პროფესიულ-ტექნიკური განათლების სისტემაში;

დ) რესპუბლიკის კულტურის სამინისტროსთან, მშრომელთა დეპუტატების საბჭოების აღმასრულებელ კომიტეტებთან, პროფკავშირულ და კომკავშირულ ორგანოებთან ერთად, გააუმჯობესოს ბავშვებსა და მოზარდებში საბჭოთა ქვეყნის მშრომელთა საბრძოლო, შრომითი და რევოლუციური ტრადიციების პროპაგანდა, მკაფიოდ და დამაჯერებლად უჩვენოს მუშათა კლასის მზარდი როლი კომუნისტური საზოგადოების მშენებლობაში, შთაუწერგოს მოსწავლე ახალგაზრდობას ღრმა პატივისცემა მშრომელთა ადამიანებისადმი, რომლებიც უშუალოდ ქმნიან მატერიალურ დოვლათს, მისწრაფება წარმოებაში მუშაობისადმი;



ე) გააძლიეროს და გააფართოოს ოჯახისა და სკოლის ობლივი მუშაობა მოზარდთა მოსამზადებლად პროფესიების ბუნლად ამორჩევისათვის.

4. საქართველოს სსრ უმაღლესი და საშუალო სპეციალური განათლების სამინისტრომ განიხილოს პედაგოგიური ინსტიტუტებისა და თბილისის სახელმწიფო უნივერსიტეტის საწავლო პროგრამებში იმ საათების რაოდენობის გადიდების შესაძლებლობა, რომლებიც გამოიყოფა პროფესიული ორიენტაციის საკითხების სწავლებისათვის, აგრეთვე აღნიშნულ სასწავლებლებში მეცნიერული მუშაობის უფრო ფართოდ გაშლა ამ დარგში.

5. საქართველოს სსრ მინისტრთა საბჭოს შრომითი რესურსების გამოყენების სახელმწიფო კომიტეტმა:

ა) გააუმჯობესოს მუშაობა პროფესიული ორიენტაციისათვის იმ ახალგაზრდებს შორის, რომლებიც არ სწავლობენ;

ბ) პროფკავშირულ და კომკავშირულ ორგანიზაციებთან ერთად გააძლიეროს კონტროლი საწარმოებსა და ორგანიზაციებში ახალგაზრდობის შრომითი მოწყობისადმი, აგრეთვე იმისადმი, რომ საწარმოებში შეიქმნას საჭირო პირობები ახალგაზრდა მუშათა კადრების შენარჩუნებისათვის;

გ) გამოყოს პროფესიული ორიენტაციის საკითხებზე მუშაობისათვის უფროსი მეთოდისტის ერთი საშტატო ერთეული 120 მანეთი თვიური განაკვეთით (კომიტეტისათვის 1972 წლის დამტკიცებული შტატებისა და ასიგნებათა ხარჯზე).

6. დაევალოთ რესპუბლიკის სამინისტროებსა და უწყებებს, აგრეთვე რესპუბლიკის ტერიტორიაზე განლაგებულ საკავშირო დაქვემდებარების საწარმოებს:

ა) სისტემატურად წარუდგინონ საქართველოს სსრ მინისტრთა საბჭოს შრომითი რესურსების გამოყენების სახელმწიფო კომიტეტს საჭირო ცნობები კვალიფიციური მუშახელის ბალანსების შესადგენად კომიტეტის მიერ დადგენილ ვადებში და ფორმების მიხედვით;

ბ) დახმარება გაუწიონ ახალგაზრდებს პროფესიების არჩევანში, საწარმოებში მოაწყონ იმ ახალგაზრდების პროფესიული მომზადება, რომლებსაც არ გააჩნიათ სპეციალობა და შეუქმნან მათ პირობები კვალიფიკაციის ასამაღლებლად;

გ) დააკისრონ ნორმატიულ-კვლევითს სადგურებს, სასწავლო კომბინატებსა და სხვა სტრუქტურულ ქვედანაყოფებს, რომ დახმა-



რება გაუწიონ საწარმოებსა და ოგანიზაციებს პროფესიულ-კვალიფიკაციისა და კონსულტაციებისთვის სამუშაოების მოწყობას.

7. საქართველოს სსრ მინისტრთა საბჭოს გამომცემლობამ, პოლიგრაფიისა და წიგნის ვაჭრობის საქმეთა სახელმწიფო კომიტეტმა 1973 წლიდან გამოსცეს პროპაგანდისტული და საცნობარო ლიტერატურა საქართველოს სსრ მინისტრთა საბჭოს შრომითი რესურსების გამოყენების სახელმწიფო კომიტეტის დაკვეთით.

8. საქართველოს პროფესიული კავშირების რესპუბლიკურმა საბჭომ და საქართველოს ალკატენტრალურმა კომიტეტმა, მრეწველობის, სოფლის მეურნეობისა და სხვა დარგების საწარმოებმა და ორგანიზაციებმა, აგრეთვე უმაღლესი და საშუალო სპეციალური განათლების სასწავლებლებმა და პროფესიულ-ტექნიკურმა სასწავლებლებმა დახმარება გაუწიონ ზოგადსაგანმანათლებლო სკოლებს ტექნიკური წრეების, ფაკულტატიური მეცადინეობის, საწარმოო პრაქტიკისა და ექსკურსიების, აგრეთვე საზაფხულო შრომითი ბანაკების მოწყობაში.

9. საქართველოს სსრ მინისტრთა საბჭოს ტელევიზიისა და რადიომაუწყებლობის სახელმწიფო კომიტეტმა, საქართველოს სსრ მინისტრთა საბჭოს კინემატოგრაფიის სახელმწიფო კომიტეტმა, რესპუბლიკური, საქალაქო, რაიონული გაზეთებისა და ჟურნალების რედაქციებმა სისტემატურად გამოაქვეყნონ მასალები, რომლებიც ახალგაზრდობას გააცნობენ სახალხო მეურნეობისათვის ყველაზე მნიშვნელოვან მუშათა პროფესიებს, მათი შეძენის პირობებსა და განვითარების პერსპექტივებს.

10. საქართველოს სსრ ფინანსთა სამინისტრომ 1973 წლის ბიუჯეტის პროექტში გაითვალისწინოს ახალგაზრდობის პროფესიული ორიენტაციის რესპუბლიკური საუწყებოათაშორისო საბჭოსათვის უფროსი ეკონომისტის საშტატო ერთეულის დამატებითი გამოყოფა 145 მანეთი თვიური განაკვეთით.

4369

საქართველოს კვ
ცენტრალური კომიტეტის
მ დ ი ვ ა ნ ი
ა. ჩურკინი

საქართველოს სსრ
მინისტრთა საბჭოს
თავმჯდომარე
გ. ჭავჭავაძე

საქართველოს
პროფესიული კავშირე-
ბის რესპუბლიკური
საბჭოს თავმჯდომარე
თ. მოსაშვილი



საქართველოს კვ ცენტრალური კომიტეტის, საქართველოს
სსრ მინისტრთა საბჭოსა და საქართველოს პროფესიული კავში-
რების რესპუბლიკური საბჭოს ზემოაღნიშნული დადგენილების
განსახორციელებლად,

ვ ბ რ ძ ა ნ ე ბ

1. აფხაზეთისა და აჭარის ასსრ განათლების მინისტრებმა,
სამხრეთ ოსეთის ავტონომიური ოლქის, ქალაქებისა და რაიონების
განათლების განყოფილებათა გამგეებმა:

ა) საქართველოს კვ ცენტრალური კომიტეტის, საქართველოს
სსრ მინისტრთა საბჭოსა და საქართველოს პროფესიული კავში-
რების რესპუბლიკური საბჭოს აღნიშნული დადგენილება განიხი-
ლონ კოლეგიებისა და სახალხო განათლების საბჭოების სხდომებზე
და მტკიცე კონტროლი დააწესონ მისი შესრულების მიმდინა-
რეობაზე;

ბ) სკოლებში შრომითი სწავლების საინსპექტორო შემოწმე-
ბისას განსაკუთრებული ყურადღება გამახვილდეს სასწავლო პრო-
გრამებით გათვალისწინებული თემების შესწავლის თანამიმ-
დევრობაზე, შესწავლისათვის განკუთვნილი საათების რაციონა-
ლურად გამოყენებაზე, აგრეთვე სასწავლო მოწყობილობის გამარ-
თულობასა და მოსწავლეთა პროფესიული ორიენტაციის საკი-
თხებზე;

გ) სკკპ XXIV ყრილობის დირექტივების შესაბამისად, გააძ-
ლიერონ მუშაობა მოსწავლეთა პროფესიული ორიენტაციისათვის
ახალგაზრდობის მიდრეკილებისა და სახალხო მეურნეობის კვალი-
ფიციურ კადრებზე მოთხოვნათა გათვალისწინებით;

დ) პერიოდულად — ყოველ კვარტალში ერთხელ ზოგადსაგან-
მანათლებლო სკოლებში შეისწავლონ მოსწავლეთა პროფესიულ-
ტექნიკური ორიენტაციის მდგომარეობა, შედეგები განიხილონ კო-
ლეგიების, სახალხო განათლების საბჭოების სხდომებზე და დასახონ

კონკრეტული ღონისძიებანი ამ დარგში გამოვლინებულ ნაკლოვანებათა გამოსასწორებლად;



ე) მტკიცე კონტროლი დააწესონ და მნიშვნელოვნად გააუმჯობესონ ხელმძღვანელობა იმ სკოლებზე, სადაც საქართველოს სსრ მინისტრთა საბჭოს დადგენილებით, შემოღებულია ავტოსაქმის სწავლება და სოფლას მეურნეობის მექანიზატორთა მომზადება;

ვ) მოსწავლე ახალგაზრდობის პროფესიულ-ტექნიკური ორიენტაციისათვის საზოგადოებრივ საწყისებზე შექმნან საუწყებთაშორისო საბჭოები, სკოლებში—საკონსულტაციო კაბინეტები და კუთხეები.

2. ზოგადსაგანმანათლებლო სკოლების დირექტორებმა:

ა) პროფტექნიკურ სასწავლებლებთან შეთანხმებით პერიოდულად მოაწყონ მოსწავლეთა ექსკურსიები პროფესიულ-ტექნიკურ სასწავლებლებში, გააცნონ მათ სასწავლო-საწარმოო სახელოსნოები, სწავლების ფორმა და შინაარსი, მოსწავლეთა შრომისა და ყოფაცხოვრების პირობები და მათთან ერთად უზოუნკელყოფნ ერთობლივი კულტურულ-მასობრივი ღონისძიებების ჩატარება;

ბ) სისტემატური და გეგმაზონიერი მუშაობა ჩაატარონ მოსწავლეთა პროფესიული ორიენტაციისათვის, ამ საქმიანობაში ფართოდ ჩააბან სკოლის მასწავლებლები, პროფესიულ-ტექნიკური სასწავლებლების ინჟინერ-პედაგოგები და წარმოების მოწინავე მუშაკები;

გ) სასწავლო წლის დამთავრებამდე სამი თვით ადრე შრომითი მოწყობის საქალაქო (სარაიონო) კომისიებს მიაწოდონ ცნობები კურსდამთავრებულ მოსწავლეთა რაოდენობის შესახებ, რომლებმაც სურვილი გამოთქვეს იმუშაონ სამრეწველო და სასოფლო-სამეურნეო საწარმოებში;

დ) გააძლიერონ და გააფართოონ ოჯახისა და სკოლის ერთობლივი მუშაობა მოზარდთა მოსამზადებლად პროფესიების შეგნებულად არჩევისათვის;

ე) მოსწავლე ახალგაზრდობის შრომითი დასაქმებისა და პროფესიული ორიენტაციის საქმის მაღალ დონეზე დაყენებისათვის, პედაგოგიურ კოლექტივებთან ერთად, ფართოდ ჩააბან ამ მუშაობაში ადგილობრივი წარმოება-დაწესებულებები, პირველადი პარტიული, პროფკავშირული და კომკავშირული ორგანიზაციები. მა-

თი ინიციატივით მოეწყოს საუბრები, მოხსენებები, ძველ და ახალ
თაობათა წარმომადგენლების შეხვედრები და საწარმოო ხელშეწყობის
ემსკურსები;

ვ) სკოლებში საზოგადოებრივ სწავისებზე მოაწყონ მოსწავლე
ახალგაზრდობის პროფესიული ორიენტაციის საკონსულტაციო კა-
ბინეტები, კუთხეები და წარმოება-დაწესებულებათა ცხოვრების
ამსახველი გამოფენები.

3. საქართველოს სსრ განათლების სამინისტროს პედაგოგი-
კურ მეცნიერებათა სამეცნიერო-კვლევითმა ინსტიტუტმა (ამხ. გ.
საყვარელიძე) საქართველოს სსრ მეცნიერებათა აკადემიასთან,
საქართველოს სსრ უმაღლესი და საშუალო სპეციალური განათ-
ლების სამინისტროსთან, საქართველოს სსრ მინისტრთა საბჭოს
პროფესიულ-ტექნიკური განათლების სახელმწიფო კომიტეტთან
და საქართველოს სსრ მინისტრთა საბჭოს შრომითი რესურსების
გამოყენების სახელმწიფო კომიტეტთან ერთად, 1972 წლის 30 დე-
კემბრამდე შეიმუშაოს ზოგადსაგანმანათლებლო სკოლებში ახალ-
გაზრდობის პროფესიული ორიენტაციისათვის დიფერენცირებული
მუშაობის მეცნიერულად დასაბუთებული რეკომენდაციები.

4. საქართველოს სსრ განათლების სამინისტროს მასწავლე-
ბელთა დახელოვნების ინსტიტუტმა (ამხ. თ. ზახაშვილი):

ა) ზოგადსაგანმანათლებლო სკოლების მასწავლებელთა, ხელ-
მძღვანელთა და განათლების დარგის სხვა მუშაკთა კურსებისა და
კურს-სემინარების სასწავლო გეგმებში გაითვალისწინოს მოსწავლე
ახალგაზრდობის პროფესიულ-ტექნიკური ორიენტაციის ძირითადი
საკითხები;

ბ) მეთოდური კაბინეტების მეთოდისტებმა რესპუბლიკის ქა-
ლაქებსა და რაიონებში სემინარების ჩატარებისას ყურადღება
გაამახვილონ მოსწავლე ახალგაზრდობის პროფესიული ორიენტა-
ციის საკითხებზე და მისცენ დიფერენცირებული რეკომენდაციები.

5. საქართველოს სსრ განათლების სამინისტროს შრომითი
პოლიტექნიკური სწავლებისა და ტექნიკურ საშუალებათა მეთო-
დურმა კაბინეტმა (ამხ. დ. გვალბა):

ა) რესპუბლიკის ქალაქებსა და რაიონებში სკოლებზე მეთო-
დური დახმარებისათვის გაამახვილოს ყურადღება მოსწავლე ახალ-
გაზრდობის პროფესიული ორიენტაციისადმი. მასწავლებელს მის-
ცეს კონკრეტული რეკომენდაციები მისი განხორციელების გზების
შესახებ;

ბ) სასწავლო ტელეგადაცემების გეგმებში გაითვალისწინოს სპეციალური გადაცემები მოსწავლე ახალგაზრდობის პროფესიული ტექნიკური ორიენტაციის საკითხებზე.

6. სკოლების სამმართველომ (ამხ. ა. ჩხიკვაძე):

ა) პერიოდულად შეამოწმოს საქართველოს კვ ცენტრალური კომიტეტის, საქართველოს სსრ მინისტრთა საბჭოსა და საქართველოს პროფესიული კავშირების რესპუბლიკური საბჭოს 1972 წლის 22 აგვისტოს № 455 ერთობლივი დადგენილების შესრულების მიმდინარეობა და შედეგები განსახილველად წარმოუდგინოს საქართველოს სსრ განათლების სამინისტროს კოლეგიას;

ბ) 1972 წლის 28 დეკემბრამდე შეიმუშაოს მოსწავლე ახალგაზრდობის პროფესიული ორიენტაციისათვის საუწყებათაშორისო საბჭოს ტიპობრივი დებულება და დასამტკიცებლად წარმოადგინოს საქართველოს სსრ განათლების სამინისტროს კოლეგიაზე.

7. გაზეთ „სახალხო განათლებისა“ და ჟურნალ „სკოლა და ცხოვრების“ რედაქციებმა პერიოდულად გამოაქვეყნონ მასალები აღნიშნული დადგენილების შესრულების მიმდინარეობაზე.

საფუძველი: საქართველოს სსრ განათლების სამინისტროს კოლეგიის 1972 წლის 5 ოქტომბრის დადგენილება.

საქართველოს სსრ განათლების
მინისტრი თ. ლაშქარაშვილი

საქართველოს სსრ განათლების სამინისტროს 1972 წ. 1 დეკემბრის ბრძანება № 638

თიანეთის რაიონის სახალხო განათლების განყოფილებისა და სკოლების მუშაობის შესახებ საქართველოს სსრ განათლების სამინისტროს 1971 წლის 12 ოქტომბრის № 602 ბრძანების შესრულების მიმდინარეობის შესახებ

გავეცანი რა სკოლების სამმართველოს მიერ წარმოდგენილ მოხსენებით ბარათს, აღვნიშნავ, რომ თიანეთის რაიონის სახალხო განათლების განყოფილებასა და სკოლებს გარკვეული მუშაობა აქვთ ჩატარებული აღნიშნული ბრძანების შესრულების მიმართულებით, საყოველთაო სწავლების განხორციელების, სკოლებში სასწავლო-აღმზრდელობითი მუშაობის გაუმჯობესების, სასწავლო-მატერიალური ბაზის განმტკიცების მიზნით, მაგრამ განათლების განყოფილებისა და სკოლების მუშაობაში კვლავ შეინიშნება ნაკლოვანებანი, რომელთა გამოსწორების მიზნით

ვ ბ რ ძ ა ნ ე ბ

1. თიანეთის რაიონის სახალხო განათლების განყოფილებამ (გამგე ე. თურქიაშვილი):

ა) ქმედითი ღონისძიებანი განხორციელოს სახალხო განათლების განყოფილებისა და სკოლების მუშაობაში არსებულ ნაკლოვანებათა გამოსასწორებლად; გააძლიეროს კონტროლი და ხელმძღვანელობა იმ ნიადაგზე, რათა სკოლების მიერ ჩატარებული მუშაობის ხარისხის შეფასება იყოს ყოველმხრივი, საფუძვლიანი და ხელს უწყობდეს პედაგოგიური კოლექტივების შემოქმედებითი საქმიანობის განმტკიცებასა და ამძღვრებას; განსაკუთრებული ყურადღება მიაქციოს სკოლებისათვის მიცემულ მითითებათა შესრულების მიმდინარეობის შემოწმებას;



ბ) მიაღწიოს იმას, რომ სკოლის ხელმძღვანელები, საფუძვლიანად სწავლობდნენ სასწავლო პროგრამებს, სახელმძღვანელოებს, სადირექტივო ორგანოების მიერ მიღებულ დოკუმენტებს; გადაჭრით გააუმჯობესოს სკოლებში შიდა სასკოლო კონტროლისა და ხელმძღვანელობის მეთოდები, რათა სკოლის მუშაკები საფუძვლიანად აანალიზებდნენ და წვდებოდნენ სასწავლო-აღმზრდელობით მუშაობის ყველა სფეროს, კონტროლი ატარებდეს გეგმიან, მიზანდასახულ და სისტემატურ ხასიათს; სრულყოფდნენ საგნების სწავლებასა და აღმზრდელობით მუშაობას;

გ) გადამჭრელი ზომები მიიღოს სკოლებში მასწავლებელთა მეთოდკომისიებისა და სასკოლათაშორისო მეთოდგაერთიანებების მუშაობის ხარისხის გასაუმჯობესებლად; აღმოფხვრას ფორმალიზმი და მიაღწიოს იმას, რომ წაკითხული მოხსენებები ნამდვილად პასუხობდნენ მასწავლებელთა თეორიული ღონის ამოღებასა და მეთოდური დახელოვნების ამოცანებს; კონტროლი დააწესოს დახელოვნების ინდივიდუალური გეგმით მომუშავე მასწავლებლებზე და საჭიროების შემთხვევაში აღმოუჩინოს მათ სათანადო დახმარება;

დ) ყველა ზომა მიიღოს სკოლების კაბინეტ-ლაბორატორიების და სახელოსნოების თვალსაჩინო მასალებით, ხელსაწყო-იარაღებითა და მოწყობილობებით უზრუნველყოფისა და პროგრამით გათვალისწინებული ცდებისა და ლაბორატორიული სამუშაოების სრულყოფილად ჩატარების მიზნით; განსაკუთრებული ყურადღება მიაქციოს მშობლიური ენისა და ლიტერატურის, რუსული ენის სწავლებას და ჰუმანიტარული და ესთეტიკური ციკლის საგნების სწავლების პროცესში თვალსაჩინოებისა და ტექნიკურ საშუალებათა გამოყენების საქმეს; კატეგორიულად აღკვეთოს ფიზიკის, ქიმიისა და ბიოლოგიის კაბინეტების გაუქმების ხარჯზე სკოლებში მრავალცვლიანობის შემცირება;

ე) განსაკუთრებული ყურადღება მიაქციოს მოსწავლეებში შრომისადმი კომუნისტური დამოკიდებულების გამომუშავებას, სხვადასხვა პროფესიებისადმი ინტერესის გაღვივებას, ამ მიზნით დასახოს და განახორციელოს ღონისძიებანი სკოლებში შრომითი სწავლების ხარისხის ამაღლებისა და პროფსაორიენტაციო მუშაობის გაუმჯობესებისათვის, სწავლებაში შრომითი პრაქტიკუმების იმ სახეთა დაერგვისათვის, რომელიც რაიონის სასოფლო-სამეურნეო



წარმოების ყველაზე საჭირო მანქანა-იარაღების რემონტის მართვის შესწავლას ითვალისწინებს: მიაღწიოს იმას, რომ სასწავლო მიწის ნაკვეთზე ფართოდ გაშალონ აგროქიმიური საცდელი მუშაობა;

ვ) განათლების სამინისტროს ბრიგადის მოხსენებით ბარათში აღნიშნულ სუსტად მომუშავე მასწავლებელთა მიმართ გაატაროს საჭირო ზომები, დააწესოს მათ მუშაობაზე მტკიცე კონტროლი, ჩააბაროს ისინი მასწავლებელთა დახელოვნების ინსტიტუტის საკურსო ღონისძიებებში და თუ ამის შემდეგაც ვერ შესძლებენ მუშაობის გაგრძელებას, სათანადო წესის დაცვით განიხილოს საკითხი მათი სამუშაოდან განთავისუფლების შესახებ.

2. საგნის სუსტი ცოდნისა და თავისი მოვალეობისადმი უბასუსისმგებლო დამოკიდებულებისათვის გამოეცხადოთ სასტიკი საყვედური ქართული ენისა და ლიტერატურის მასწავლებლებს მ. წიკლაურს (ღუღელების საშ. სკოლა) ე. ჯანგირაშვილს (თიანეთის საშ. სკოლა); დაწყებითი კლასების მასწავლებლებს თ. ჯიმიტაშვილს (ღუღელების საშ. სკ.), ს. თანიაშვილს (ტუშურების საშ. სკ.), თ. გვარიაშვილს (ხევსურთსოფლის საშ. სკ.) - რუსული ენის მასწავლებელ ვ. ნიკიფოროვს (ღუღელების საშ. სკ.); ფიზიკის მასწავლებლებს გ. ჯამაგიძეს (ღუღელების საშ. სკ.), ზ. ბურაშვილს (ნაქალაქარის საშ. სკ.); ისტორიის მასწავლებლებს ა. მექვაბიშვილს (თიანეთის საშ. სკ.) მ. ჭინჭარაულს (სიონის საშ. სკოლა).

3. სასწავლო-აღმზრდელობით მუშაობაზე სუსტი ხელმძღვანელობისათვის გამოეცხადოს სასტიკი საყვედური ღუღელების საშუალო სკოლის დირექტორს პ. საგინაშვილს.

4. ღუღელების საშუალო სკოლის დირექტორის მოადგილე სასწავლო-აღმზრდელობით დარგში მ. ბეჭაური, რომელიც ვერ უზრუნველყოფს სასწავლო-აღმზრდელობით მუშაობაზე ხელმძღვანელობასა და კონტროლს განთავისუფლდეს დირექტორის მოადგილის თანამდებობიდან.

5. ეს ბრძანება და მოხსენებითი ბარათი განხილულ იქნეს რაიონის ყველა სკოლის პედაგოგიური საბჭოს სხდომაზე; მიმდინარე სასწავლო წლის ბოლოს გატარებულ ღონისძიებათა შესახებ მოხსენდეს განათლების სამინისტროს.

6. სკოლების სამმართველომ (აკ. ჩხიკვაძე) შედამხედველობა დააწესოს ამ ბრძანების შესრულების მიმდინარეობაზე.

საფუძველი: საქართველოს სსრ განათლების სამინისტროს კოლეგიის 1971 წლის 16 ნოემბრის დადგენილება.

საქართველოს სსრ განათლების
მინისტრი თ. დაშქარაშვილი

საქართველოს სსრ განათლების მინისტრს
ამხ. თ. ვ. ლაშქარაშვილს

მოხსენებითი ბარათი

თიანეთის რაიონის სახალხო განათლების განყოფილებისა და სკოლების მუშაობის შემოწმების შედეგების შესახებ საქართველოს სსრ განათლების სამინისტროს 1971 წლის 12 ოქტომბრის № 602 ბრძანების შესრულების მიმდინარეობის შესახებ

ბრიგადამ საქართველოს სსრ განათლების სამინისტროს ინსპექტორების შ. ლომიძის (ხელმძღვანელი), ვ. ქურციკიძის, დ. მახარაძის, ვ. გიორგობიანის, ზ. ლომიანიძის, მასწავლებელთა და ხელოვნების ინსტიტუტის მუშაის ვ. ხოშტარიას, შრომითი, პოლიტექნიკური სწავლებისა და ტექნიკურ საშუალებათა რესპუბლიკური კაბინეტის მეთოდისტები—პ. თუთბერიძისა და ი. ბერუჩაშვილის შემადგენლობით 1972 წლის 15-დან 23 ოქტომბრამდე შეისწავლა თიანეთის რაიონის სახალხო განათლების განყოფილება და სკოლების მუშაობის შემოწმების შედეგების შესახებ საქართველოს სსრ განათლების სამინისტროს 1971 წლის 12 ოქტომბრის № 60 ბრძანების შესრულების მიმდინარეობა.

განათლების განყოფილებას (გამგე ე. თურქიშვილი) სახალხო განათლების საბჭოს სხდომაზე გაწილული აქვს აღნიშნული ბრძანება და დასახულია კონკრეტული ღონისძიებანი არსებული ნაკლოვანებების აღმოსაფხვრელად, ასევე აღნიშნული ბრძანება, განათლების განყოფილების წარმომადგენლის დასწრებით განხილულია რაიონის ყველა სკოლის პედაგოგიური საბჭოს სხდომაზე და უმრავლეს შემთხვევაში დასახულია ქმედითი ღონისძიებანი სკოლაში. სასწავლო-აღმზრდევლობითი მუშაობის მკვეთრად გაუმჯობესებისათვის. განათლების განყოფილებამ, ბრძანების შესაბამისად, შეიწავლა რაიონის ყველა დაწყებითი, რვაწლიანი და საშუალო სკოლაში (გარდა იმ სკოლებისა, რომლებიც განათლების



სამინისტროს ბრიგადის მიერ იყო შესწავლილი) სასწავლო-აღმზრდელობითი მუშაობა და დასახა ღონისძიებანი გამოვლინებულ ნაკლოვანებათა აღმოსაფხვრელად. განთავისუფლებულ იქნა ნამდებობიდან ტუშურების საშუალო სკოლის დირექტორი და მის ნაცვლად დაინიშნა უფრო უნარიანი და საქმის მცოდნე მუშაკი. ამგვარად განათლების განყოფილებასა და სკოლებს გარკვეული მუშაობა აქვთ ჩატარებული სკოლებში სასწავლო-აღმზრდელობითი მუშაობის გაუმჯობესების, საყოველთაო-საშუალო განათლებაზე გადასვლისათვის მზადების, სასწავლო-დაწესებულებების მატერიალური ბაზის განმტკიცების მიზნით.

სათანადო სიმაღლეზე არის დაყენებული სასწავლო-აღმზრდელობითი მუშაობა მ. გელოვანის სახელობის თიანეთის საშუალო სკოლაში (დირექტორი გ. ჭრელიშვილი, დირექტორის მოადგილე სასწავლო-აღმზრდელობითი მუშაობის დარგში ფ. შატერაშვილი, ორგანიზატორი რ. იარაჯული). მათ საფუძვლიანად აქვთ ათვისებული სასწავლო პროგრამები და სახელმძღვანელოები, გაკვეთილებზე დასწრებისას არ კმაყოფილებიან ნაკლოვანებების აღნიშვნით, არამედ ავლენენ ნაკლოვანებათა მიზეზებსაც და უჩვენებენ საქმის გაუმჯობესების გზებსაც. სკოლის პედაგოგიური საბჭო იძლევა პედაგოგების მუშაობის კვალიფიკაურ შეფასებას, ახდენს მასწავლებელთა მუშაობის კოორდინაციას, აყენებს საჭირობოროტო პედაგოგიურ საკითხებს და ზრუნავს ამ საკითხების სწორად გადაწყვეტისათვის. პედაგოგიურ საბჭოზე სასწავლო შეთხედებისა და წლის ბოლოს გაკეთებულია ჩატარებული მუშაობის ღრმა და საფუძვლიანი ანალიზი.

ერთგვარად არის გაუმჯობესებული სასწავლო-აღმზრდელობითი მუშაობა სიმონიანთხევის (დირექტორი კ. პატურაშვილი), ტუშურების (დირექტორი მ. არჩიმაშვილი), ხევსურთსოფლის (დირექტორი მ. ფიცხელაური) საშუალო სკოლებში.

განათლების სამინისტროს ბრძანებიდან არ აქვთ სათანადო დასკვნები გაკეთებული დუღელების საშუალო სკოლის (დირექტორი პ. საკინაშვილი, დირექტორის მოადგილე სასწავლო-აღმზრდელობითი მუშაობის დარგში მ. ბექაურა, რომლებსაც სასწავლო-აღმზრდელობით მუშაობაზე ხუსტი ხელმძღვანელობისათვის გამოცხადებული ჰქონდათ საყვედური) პედაგოგიურ კოლექტივს. სკოლაში არ არის დაცული სასკოლო რეჟიმი და დისციპლინა. შემოწმების დროს პირველ გაკვეთილზე არ გამოცხადდა ფიზკულტურის



მასწავლებელი (ორგანიზატორი) გ. სიმონიშვილი, VIII და X კლასების მშობლიური ლიტერატურისა და ფიზიკის მე-5 გაკვეთილებს არ ჩატარებულა.

სკოლის პედაგოგიურ საბჭოზე აღნიშნული ბრძანება არსებითად არაა განხილული. აქ წაკითხულია ბრძანება და მოხსენებითი ბარათი და მიღებულია ორსიტყვიანი დადგენილება—მიღებულ იქნას ცნობად და სახელმძღვანელოდ. მეოთხედებისა და სასწავლო წლის ბოლოს საბჭოს სხდომებზე არაა განხილული ცალკეულ სასწავლო დისციპლინებში სახელმწიფო პროგრამების შესრულების მდგომარეობა, მოსწავლეთა აკადემიური წარმატების მაჩვენებლების ანალიზი კლასებისა და სასწავლო დისციპლინების მიხედვით, მოსწავლეთა წერიტი კულტურა, აღმზრდელობითი მუშაობა, შეგნებული დისციპლინის განმტკიცება და სხვა საკითხები. გეგმებში არ არის გათვალისწინებული სკოლის მუშაობის ყველა არსებითი მხარე, მოქმედების კონკრეტული გზები, მუშაობის შინაარსი და პერსპექტივა სამუშაო დროის გარკვეულ მონაკვეთში. არ ხდება გეგმაში გათვალისწინებული საკითხების შესრულება. მაგ. 15 ოქტომბრამდე უნდა შეესწავლათ საკითხი ბიოლოგიის, გეოგრაფიის, ფიზიკის და შრომითი სწავლების მდგომარეობა და განეხილათ პედსაბჭოს სხდომაზე, 16 ოქტომბრისათვის კი საკითხის შესწავლა დაწყებული არ ჰქონდათ.

მეთოდურად გაუმართავად არის შედგენილი გაკვეთილების ცხრილი. სასწავლო დღეები თანაბარი სიძლიერის საგნებით არ არის დატვირთული, ერთსაათიანი დისციპლინები მე-9 გაკვეთილად არის მიცემული, ერთფეროვანი საგნები—მათემატიკური დისციპლინები ან ენები ცხრილში მიჯრით არის მოქცეული, საგნების სახელწოდებები ზუსტად არაა შეტანილი და ა. შ.

შინაჯასკოლო კონტროლი არ ატარებს გეგმიან, მიზანდასახულ და სისტემატურ ხასიათს. დირექტორს პ. საგინაშვილს მცირე რაოდენობით აქვს მოსმენილი გაკვეთილები, ხოლო დირექტორის მოადგილე სასწავლო-აღმზრდელობითი მუშაობის დარგში მ. ბეჟაური არ ზრუნავს სრულყოფილად დაეუფლოს სწავლების მეთოდებსა და ხერხებს, საქმის ცოდნით მოახდინოს სასწავლო-აღმზრდელობითი მუშაობის შესრულების შემოწმება, და უზრუნველყოს საკირო დონისძიებების გატარება სწავლების ხარისხის ამაღლებისათვის. მის მიერ მასწავლებელთათვის მიცემული მითითებანი ატარებენ შაბლონურ, ფორმალურ ხასიათს, იგი ვერ წვდება იმას,

თუ როგორ ახერხებს მასწავლებელი პროგრამით გათვალისწინებულ დასამუშავებელი მასალის ვადაცემას მოსწავლეებისათვის, რა უჭირს, რა სიძნელეებს აწყდება მუშაობის პროცესში, კონკურენტულ ტულად ვერ ეუბნება მასწავლებელს ნაკლებ და ვერ უჩვენებს ამ ნაკლის გამოსწორების გზებს.

გარკვეული ნაკლოვანებები აჩასიათებს. შინასასკოლო კონტროლისა და ხელმძღვანელობის, სკოლის გეგმიანობის, პედაგოგიური საბჭოს, მეთოდური მუშაობისა და სასკოლო მუშაობის სხვა დარგებში ხევისურთსოფლის (დირექტორი მ. ფიცხალაური, დირექტორის მოადგილე სასწავლო-აღმზრდელობითი მუშაობის დარგში გ. ბუჯიაშვილი), ტუშურების (დირექტორი მ. არჩემაშვილი, დირექტორის მოადგილე სასწავლო-აღმზრდელობითი მუშაობის დარგში დ. დოლიაშვილი), სიმონიანთხევის (დირექტორი კ. პატურაშვილი, დირექტორის მოადგილე სასწავლო აღმზრდელობითი მუშაობის დარგში ნ. დავითაშვილი) საშუალო სკოლებს.

ცალკეული სასწავლო დისციპლინების სწავლება იძლევა შემდეგ სურათს:

მიმდინარე სასწავლო წელი დაწყებითი კლასების ზოგიერთ მასწავლებელს დაუწყია ახალი პროგრამის საფუძვლიანი შესწავლით, ცდილა ამის მიხედვით გარდაექმნა თავისი მუშაობა, მეტი ადგილი დაეთმო სწავლებაში აქტიური მეთოდებისა და ხერხებისათვის.

კარგად ასწავლიან ქართულ ენას თიანეთის საშუალო სკოლის მასწავლებლები: მ. ჭეიშვილი და შ. არაბული. აღნიშნული მასწავლებლები მრავალფეროვან, საინტერესო გაკვეთილებს ატარებენ. მოხერხებულად იყენებენ თვალსაჩინოებას, გამომეტყველებითი კითხვით ემოციურად მიაქვთ ნაწარმოების შინაარსი მოსწავლეებამდე, ამუშავებენ მოსწავლეებს უცნობი სიტყვებისა და ცალკეული გამოთქმების გაცნობიერებისათვის. შესწავლილ მასალას იყენებენ როგორც მეტყველების, ისე შინაარსობრივი და იდეურ ანალიზისათვის, მოხერხებულად უკავშირებენ გრამატიკულ მასალას ტექსტზე მუშაობას.

დამაკმაყოფილებლად ასწავლიან ქართულ ენას თ. დოლიაშვილი, ა. კბილცეცხლაშვილი (სიმონიანთხევის საშ. სკოლა), ქ. სისაური, ე. მგელიაშვილი (ტუშურების საშ. სკოლა), ე. კენკიშვილი, ზ. კენკიშვილი (ხევისურთსოფლის საშ. სკოლა).



არაღმამკმაყოფილებლად ასწავლიან "ქართულ ენას" მასწავლებლები: თ. ჯიმშიტაშვილი (ღუღელების საშ. სკოლა) და ხ. ნიაშვილი (ტუშურების საშ. სკოლა).

დასახელებული მასწავლებლები არ ემზადებიან-გაკვეთილები-სათვის, მათი ვაკვეთილები უფერული და მოსაწყენია, არ მუშაობენ მოსწავლეთა ლექსიკურა ფონდის გამდიდრებაზე, არ განმარტავენ და ზოგჯერ არასრულყოფილად უხსნიან მოსწავლეებს მათთვის უცნობ სიტყვებსა და გამოთქმებს, ყურადღებას არ აქცევენ მხატვრულ, გამომეტყველებით კითხვას, სწავლებაში სრულებით არ იყენებენ თვალსაჩინოებას, გრამატიკას ასწავლიან ლიტერატურული მასალიდან მოწყვეტით, შესწავლილ ლიტერატურულ ტექსტს არ იყენებენ მოსწავლეთა მეტყველების კულტურის ამადლებისა და ესთეტიკური და ხეობრივი აღზრდისათვის.

მასწავლებელი თ. ჯიმშიტაშვილი I—III კლასებს ასწავლის. იგი სრულებით არ არის დაუფლებული ორ კლასთან ერთდროულად მუშაობის ძირითად პედაგოგიურ-მეთოდურ ხერხებს. ვერ ტვირთავს კლასს მიზნობრივი დამოუკიდებელი სამუშაოებით, რის გამოც მოსწავლეები საკმაოდ დროის მანძილზე უსაქმოდ სხედან გაკვეთილებზე. პედაგოგმა III კლასის მოსწავლეებს წერით დამოუკიდებელ სამუშაოდ ისეთი მასალა მისცა, რომელიც მათ უკვე შესრულებული აქონდათ და მხოლოდ მას შემდეგ შეცვალა დავალება, რაც მოსწავლეებმა შეახსენეს. 22 წუთის განმავლობაში კითხულობდნენ III კლასის მოსწავლეები ტექსტს, ხოლო მასწავლებელი ამ დროის განმავლობაში დაუხანავ დაფაზე ავარჯიშებდა I კლასის მოსწავლეებს. I კლასელებს დამოუკიდებელ სამუშაოდ მისცა 4 მაგალითი (9—2, 3—2, 5+2, 6+2), რომლის ამოხსნას მათ 20 წუთი მოანდომეს. III კლასში მასწავლებელი შეეცადა აეხსნა ახალი მასალა, ვაკვეთილის დამთავრებას კი 10 წუთილა აკლდა. მან მხოლოდ ტექსტის წაკითხვა მოახერხა და სრულიად აუხსნელი და გაუცნობიერებელი მასალა მისცა მოსწავლეებს შინ დასასწავლად.

დაბალი პედაგოგიური კულტურა და ცოდნა აქვს მასწავლებელ ს. თანიაშვილს. იგი ვერ ახერხებს მოსწავლეთა მიერ დაშვებული შეცდომების გასწორებას, თვით უშვებს შეცდომებს. მასწავლებელი ერთმანეთისაგან ვერ არჩევს ბრუნვასა და ბრუნებას, სვამს გაუმართავ კითხვებს, ასე მაგალითად: „III ბრუნება რა არის?“, „ვინ დაწერავს?“, „რა მოხდა ერთხელ მტრის თვითმფრი-

ნავის მიერ?" და სხვ. ახალი მასალის—ა. ლომიძის „პატარა გზის“ ახსნასთან დაკავშირებით, ძალზე სუსტია საუბარი ჩაატარების შემდეგაც წაიკითხა ტექსტი შეცდომებით, არავითარი სახის მუშაობა არ ჩატარებია.

მასწავლებლების თ. ჯიშინიაშვილისა და ს. თანიაშვილის სუსტი მუშაობის შესახებ გასულ წლას შემოწმებისასაც იქნა აღნიშნული, მაგრამ ისინი მაინც უბასუხისმკებლოდ განაგრძობენ მუშაობას.

კარგად არის დაყენებული მათემატიკის სწავლება ლულუბის საშ. სკოლის II კლასში (მასწავლებელი პ არაბული) და ტუშურების საშ. სკოლის მისამზადებელ კლასში (მასწ. ა. მამულაშვილი). აღნიშნული მასწავლებლები კარგად არიან დაუფლებული მათემატიკის სწავლების მეთოდებს, დროულად და მოხდენილად იყენებენ თვალსაჩინოებას, სრული დატვირთვით ამუშავენ მონსწავლებებს.

დამაკმაყოფილებლად ასწავლიან მათემატიკის ქ. ჯაშიაშვილი (თიანეთის საშ. სკოლა) და თ. დოლიაშვილი (სიმონიანთხევის საშ. სკოლა).

დაბალ დონეზე ასწავლიან მათემატიკის მასწავლებლები: თ. გვარიანაშვილი (ხევსურთსოფლის საშ. სკოლა), შ. ზასეიშვილი (სიონის საშ. სკოლა), ისინი ვერ ერკვევიან ახალი პროგრამების შინაარსში, ვერ ფლობენ სწავლების მეთოდებს, ანგარიშს არ უწევენ მასალის დალაგების ახალ სისტემას, სახელმძღვანელოდან არჩევენ ერთფეროვან მასალას, არღვევენ მასალის მიწოდების თანმიმდევრობას, ამიტომ არის, რომ გაკვეთილები ძალზე ერთფეროვანია, მოსწავლეები უხალისოდ გრძნობენ თავს გაკვეთილზე, ნაკლებად მონაწილეობენ სწავლების პროცესში.

შინაარსიანი გაკვეთილი ჩაატარა ბუნებისმცოდნეობაში (II კლასი) სიმონიანთხევის საშუალო სკოლის მასწავლებელმა თ. დოლიაშვილმა. მან გაკვეთილი სასწავლო ნაკვეთზე ჩაატარა. განვლილი მასალის საფუძვლიანი გამოკითხვის შემდეგ მასწავლებელი გადავიდა ახალი მასალის ახსნაზე—ყვავილოვანი მცენარის გარეგანი აგებულება და მათი სასიცოცხლო პირობები.

მასწავლებლის ენერგიული მუშაობის შედეგად მოსწავლეთა ცოდნა კლასში დამაკმაყოფილებელია.

საკლასო-საკონტროლო რვეულების შემოწმებით დადასტურდა, რომ დაწყებითი კლასების მოსწავლეთა კალიგრაფია ძირითად

თადად დამაკმაყოფილებელია, მაგრამ საკონტროლო და საშინაო რეკულაციებში ვხვდებით ორთოკრაფიულ, სტილისტურ და პუნქტუაციურ შეცდომებს, რომლებსაც მასწავლებლები ვერ ამჩნევენ, მხოლოდ ხაზის გასმით აღნიშნავენ და არ ავარჯიშებენ მოსწავლევას მთ გამოსწორებაზე, ზოგიერთი მასწავლებელი არ იცავს საკონტროლო წერის ნორმებს და სახეებს.

დაწყებითი კლასების მეთოდგაერთიანების გეგმებში არ არის ლაბარაჟი სწავლების სიახლეებზე, აღზრდის საკითხებზე, გვერდი აქვს ავლილი სწავლებაში ტექნიკური საშუალებების გამოყენებას. გეგმაში ვხვდებით ზოგად საკითხებს; ასე მაგალითად: როგორ ვასწავლით ქართული ენის გრამატიკას დაწყებით კლასებში. ხეცურთოსოფლის დაწყებითი კლასების მეთოდგაერთიანების გეგმაში საკითხი მოსწავლეთა ათვისებურ აღზრდაზე ორჯერ არის შეტანილი.

ქართულ ენასა და ლიტერატურას კარგად ასწავლიან: გ. ჭრელოშვილი (თიანეთის საშ. სკოლა), ო. ლევერაშვილი (სიმონიანთხევის საშ. სკოლა), ლ. ზურაბიშვილი (სიონის საშ. სკოლა). აღნიშნული პედაგოგები გულდასმით ემზადებიან გაკვეთილებისათვის სრულყოფილ თეორიულ ცოდნასა და მეთოდურ დახელოვნებას. ამის შედეგად, მათი მოსწავლეები დამაკმაყოფილებლად ფლობენ პროგრამულ მასალას, წერისა და ზეპირი მეტყველებისას ამჟღავნებენ საკმაო წიგნიერებას, მაგრამ მიუხედავად ამისა, თიანეთის რაიონის რიგ სკოლებში მშობლიური ენისა და ლიტერატურის სწავლების საქმეში სერიოზული ხარვეზებია.

განათლების სამინისტროს ბრიგადის მიერ ჯერ კიდევ გასულ წელს იქნა შემოწმებული თიანეთის რაიონის ზოგადსაგანმანათლებლო სკოლების მუშაობა. მასწავლებლებს—მ. წიკლაურს (ღუღელელების საშ. სკოლა), ე. ჯანჭირაშვილს (თიანეთის საშ. სკოლა), თ. მამულაშვილს (ტუშურების საშ. სკოლა) თავის დროზე მიეცათ შენიშვნები და საჭირო რჩევა-დარიგება, რომლის გათვალისწინების შემთხვევაში ძირეულად შეიცვლებოდა მათი მუშაობა, მაგრამ როგორც ჩანს, აქედან სათანადო დასკვნები ვერ გამოუტანიათ. შემოწმებამ მათს მუშაობაში კვლავ გამოავლინა სერიოზული ნაკლოვანებანი.

მ. წიკლაურმა გაკვეთილი დაბალ მეთოდურ და თეორიულ დონეზე ჩაატარა. არ იგრძნობოდა ოდნავი სურვილიც კი, რომ მეთოდურად სწორად წარემართა მეცადინეობა. ცუდად ჩატარდა

გაწვლილი მასალის გამოკითხვა, ხოლო ახალი მასალის ახსნა დაიწყო ყოველგვარი მომზადების გარეშე.

მ. წიკლაური, საერთოდ არ ამოწმებს მოსწავლენა საშინაო დავალებს, რის გამოც ნაწერებში ხშირია უხეში შეცდომები. საშინაო დავალების რვეულები ცუდად მოვლილი და გაუფორმებელია.

აღნიშნული მასწავლებლის მუშაობაში არსებულ ნაკლს ისიც განაპირობებს, რომ იგი, საერთოდ, არ ადგენს დღიურ გეგმებს.

მეთოდური დახელოვნება და თეორიული ცოდნა აკლია მასწავლებელ ე. ჯანგირაშვილს. ყოველგვარ მოლოდინს გადააჭარბა მისმა გაკვეთილმა V კლასში. ახალი მასალის (ა. აბაშელას „ახალ საქართველოს“) გადაცემისას მასწავლებელმა ტექსტის განმარტების ოდნავი უნარიც ვერ გამოამყდაცა. მან, წაიკითხა რა ა. აბაშელის აღნიშნული ლექსი, იგი ასეთი „კომენტარებით“ შეამკო: „მყინვარ-წვერი ამობურცული ადგილია...“ „თოვლის თეთრი თაველი ესეც ამობურცული ადგილია...“ „საქართველო ვეფხის ტყავით ზოლიანია...“ „ორბი ცხოველია (!), უმთავრესად იკვებება ხორციტ და ტვინით...“ „ნედლია მიწა, როცა ცოცხალია, როცა სიცოცხლე დუღს, საქართველოში ყველაფერი სანოვავე მოდის...“ „რვალი—ფოლაღზე მაკარია, გამძლე რკინასავით...“ და ა. შ.

მასწავლებელი, ამასთან ერთად, კლასს ძაღვს ისეთ უაზრო კითხვებს, რომელზედაც არამცთუ პასუხის გაცემა, რაიმე აზრის გამოტანაც კი ჭირს, მაგალითად, „აბა რომელი პოეტი აქვს აქ მოცემული, როგორც ბრწყინვალე პროზაიკოსი?“

ახლოვითი შეცდომებით ჩატარდა გაკვეთილი VIII კლასში. მასწავლებელმა აქაც მრავალი მეთოდური ხასიათის შეცდომა დაუშვა და თეორიული მასალის ძალზე სუსტი ცოდნა გამოამყდაცა.

ე. ჯანგირაშვილი წერით ნამუშევრებსაც ძალზე არაკვალიფიციურად ამოწმებს, ხშირია შეცდომების ვაპარვა, ზოგჯერ კი მართებული ნაწერის შეცდომად მიჩნევა. მას ზოგიერთ ნამუშევარში მხოლოდ 1—2 შეცდომა შეუნიშნავს, დამატებით კი 15—18 შეცდომა აღმოჩნდა.

სრულყოფისაგან ძალზე შორსაა თ. მამულაშვილის (ტუშუ-რების საშ. სკოლა) მუშაობა. მართალია, წინა შემოწმების შემდეგ მდგომარეობა ნაწილობრივ გამოუსწორებია, მაგრამ ჯერ კიდევ არის სერიოზული ნაკლოვანებანი, რაც სხვა მიზეზებთან ერთად, მასწავლებლის ასაკითაც შეიძლება აიხსნას.

საერთოდ, უნდა აღინიშნოს, რომ თიანეთის რიგ სკოლებში სათანადო ყურადღებით არ ეკიდებიან მოსწავლეთა ზეპირ მეტყველებას, დაბალია წერის კულტურაც. წერითი-საშინაო დავალებები მოწმდება ზერელედ, უკულისყუროდ.

მოსწავლელები გაკვეთილებზე არ იყენებენ თვალსაჩინობას, ზოგ სკოლაში წარმოდგენაც არ აქვთ ფონოქრესტომათიაზე, რომლის წარმატებით გამოყენება შეიძლება ენისა და ლიტერატურის გაკვეთილზე.

მშობლათრი ენისა და ლიტერატურის მეთოდური სექციის მეშაობის ვაცნობამ დავარწმუნა, რომ ნაკლები ყურადღება ექცევა ისეთ სამუშაოთა შესრულებას, რომელიც ახალი პროგრამებითა და სახელმძღვანელოებით სწავლებასთან დაკავშირებულ საკითხებს ეთვალისწინებს.

კარგად მუშაობენ რუსული ენისა და ლიტერატურის მოსწავლელები ლ. დვინიაშვილი, ე. ლუკავა (თიანეთის საშ. სკოლა), ნ. სააკიანი (ხევსურთსოფლის საშ. სკოლა), კ. მგელიაშვილი (ტუშურების საშ. სკოლა), ისინი კარგად ფლობენ საგანს, გულდასმით ემზადებიან გაკვეთილებისათვის, იყენებენ სწავლების აქტუალურ მეთოდებს და სისტემატურად სრულყოფენ თავიანთ პედაგოგიურ ოსტატობას. განსაკუთრებულ ყურადღებას უთმობენ სალექსიკონო მუშაობას, მოსწავლეთა მეტყველების განვითარებას აღნიშნული მოსწავლელები საჭირო ყურადღებას აქცევენ აღმზრდელობით მეშაობას, ფართოდ იყენებენ თვალსაჩინობას სწავლებაში.

მოსწავლელებმა ი. ბაბაევამ (ღუღელების საშ. სკოლა), თ. შავარდაშვილმა, გ. ფიცხალაურმა (სიმონიანთხევის საშ. სკოლა), ა. კუბატოვამ (ტუშურების საშ. სკოლა), ლ. ზურაბაშვილმა (სიონის საშ. სკოლა) იციან საგანი, მაგრამ არ იყენებენ სწავლების უფრო აქტუალურ მეთოდებს, მოსწავლეთა მომზადების დონეც დამაკმაყოფილებელია.

რუსული ენისა და ლიტერატურის მოსწავლელებს ვ. ნიკიფოროვს (ღუღელების საშ. სკოლა), ს. დიდებაშვილს, რ. ბაიაშვილს (ხევსურთსოფლის საშ. სკოლა), ვ. სუხიაშვილს (ტუშურების საშ. სკოლა) არ აქვთ სპეციალური განათლება, სუსტად ფლობენ საგანს და მისი სწავლების მეთოდებს, მეტყველებაში უშვებენ შეცდომებს, ატარებენ ერთფეროვან და უინტერესო გაკვეთილებს, არ არის დაცული წერის ნორმები და სახეები, გულდასმით არ

ასწორებენ საკონტროლო და საშინაო წერის რვეულებს, მათ მიერ
გასწორებულ მოსწავლეთა წერით ნამუშევრებში გაპარულია შეცდომები
დომები, სწავლებაში ნაკლებად იყენებენ თვალსაჩინობას, დაბალია
მოსწავლეთა მომზადების დონე.

უფრო მეტიც, ვ. ნიკიფოროვი უპასუხისმკებლოდ ეკიდება
დაკისრებული საქმის შესრულებას, მას არასაკმაყოფილო მიზეზით გაც-
დენილი აქვს 20 გაკვეთილი.

კარგად მუშაობენ მათემატიკის მასწავლებლები: დ. ყეინი-
შვილი, თ. მთვარელაშვილი, ფ. შატბერაშვილი (თიანეთის საშ.
სკოლა), ჯანაგიძე (ღუღელელების საშ. სკოლა), ა. გურგენაშვილი
(სიმონიანთხევის საშ. სკოლა).

არაღმამკმაყოფილებლად მუშაობენ მათემატიკის მასწავლებ-
ლები ქ. ხუმარაშვილი (ღუღელელების საშ. სკოლა), გ. კალანდაძე,
ნ. ხიბლაშვილი (ხევსურთსოფლის საშ. სკოლა).

ხევსურთსოფლის საშუალო სკოლის მათემატიკის მასწავლე-
ბელს გ. კალანდაძეს შემოქმედის დღისათვის გათვალისწინებული
ჰქონდა (VIII კლასში) გეომეტრიაში საკონტროლო წერის ჩატა-
რება, წერისათვის შერჩეული ჰქონდა ამოცანები ორ ვარიანტად:
ვერცერთმა მოსწავლემ ვერ გადაწყვიტა ამოცანა და ყველამ შე-
ფასება „არაღმამკმაყოფილებელი“ მიიღო. უნდა დავასკვნათ, რომ
თემა—პრობორციული მონაკვეთები, რომელზედაც ჩატარდა სა-
კონტროლო წერა, კლასს არ ჰქონდა შესწავლილი.

დაბალ დონეზე იდგა ამავე მასწავლებლის მიერ IV კლასში
ჩატარებული მათემატიკის გაკვეთილიც, ცუდად არის ნაწარმოები
IV კლასის მოსწავლეთა საშინაო და საკლასო დავალების რვეუ-
ლები, არ წარმოებს მასწავლებლის მიერ მათი სისტემატურბ შე-
მოწმება და გასწორება. იგი დამწყები მასწავლებელია, აკლია და-
ხელოვნება და გამოცდილება, თუ ამთავითვე არ იზრუნა პედაგო-
გიური დაოსტატებისათვის, საეჭვო იქნება, რომ მან მათემატიკის
მასწავლებლობა შესძლოს.

არაღმამკმაყოფილებლად მუშაობს ამავე სკოლის მათემატიკის
მასწავლებელი ნ. ხიბლაშვილი, მან სუსტად იცის საგანი და მისი
სწავლების მეთოდები, ძალზე დაბალ დონეზე ჩაატარა V¹ და V²
კლასებში მათემატიკის და VI კლასში გეომეტრიის გაკვეთილები.
VI კლასის მოსწავლეებმა არ იციან ბისექტრისის, სხივის, მონაკვე-
თის განსაზღვრა, მოსწავლეთა უმრავლესობას მიაჩნია, რომ კუთხის
სიდიდე კუთხის გვერდების სიგრძეზეა დამოკიდებული. მასწავლე-



ბელი სწორად ვერ გეგმავს და ვერ ატარებს გაკვეთილებს, გაკვეთილზე ახალი მასალის ახსნას ხუთ წუთზე ნაკლები დრო დაუთმობ. VI კლასში ახალი მასალის ახსნა დაიწყო მაშინ, როცა ზარის დარეკვამდე 3 წუთი იყო დარჩენილი.

არაღამაკმაყოფილებლად მუშაობს ღუღლეების საშუალო სკოლის მასწავლებელი ქ. ხუმარაშვილი, მისი მუშაობა გასულ 1971—1972 სასწავლო წელსაც იყო შესწავლილი, მას გარკვეული დანშარება გაეწია და სათანადო მითითებანიც მიეცა, აქედან მან სათანადო დასკვნა არ გამოიტანა და კვლავ არასაკმაოდ მუშაობს თავის თავზე, არ ემზადება გაკვეთილებისათვის და დაბალ დონეზე ატარებს მათ.

V კლასში, სადაც მასწავლებელს ახალი პროგრამით და ახალი სახელმძღვანელოთი უხდება მუშაობა, მოუმზადებელი მოვიდა გაკვეთილზე, მას გაკვეთილის გეგმაც კი არ ჰქონდა შედგენილი და ცხადია, დაბალ დონეზე ჩაატარა გაკვეთილი, კლასმა სუსტად იცის განვლილი მასალა. ვერცერთმა მოსწავლემ ვერ შეძლო პროცენტებზე მარტივი ამოცანის გადაწყვეტა, მოსწავლეებს არ ჰქონდათ მომზადებული საშინაო დავალება და, საერთოდ, ცუდად არის ნაწარმოები საშინაო და საკლასო დავალების რვეულები. მოსწავლეები არ არიან შეჩვეული დამოუკიდებელ მუშაობას, ძალზე დაბალია საკონტროლო სამუშაოების ხარისხიც, მოსწავლეებს ფურცლებზე აქვთ ჩატარებული საკონტროლო წერები, ზოგ შემთხვევაში, მათზე მოსწავლის გვარი და სახელიც არ არის აღნიშნული და მასწავლებელი ნამუშევრის ავტორის ამოცნობას მოსწავლის კალიგრაფიის საშუალებით ცდილობს, მაგრამ ამაოდ.

არის შემთხვევები, როცა საკონტროლო წერისათვის მოცემულ მაგალითებსა და ამოცანებში შეცდომებია დაშვებული. დაბალ დონეზე იყო VIII კლასში ჩატარებული ალგებრის გაკვეთილი. ვლასს გაკვეთილად მიცემული ჰქონდა თემა— „კვადრატული ფესვი და მისი არითმეტიკული მნიშვნელობა“. ამ მასალაზე არავითარი სავარჯიშო მაგალითები არ მიუცია მასწავლებელს, მოსწავლეებმა ცუდად იცოდნენ გაკვეთილი, ზერელე წარმოდგენა აქვთ ფესვის არითმეტიკულ მნიშვნელობაზე. ვარჯიშის დროს, როდესაც დაფაზე ერთ-ერთი მოსწავლე წყვეტდა მაგალითს, შეცდომები იქნა დაშვებული. მასწავლებელი შეცდომებს ვერ ასწორებს.

თიანეთის საშ. სკოლის ფიზიკის მასწავლებელი შ. მადურაშვილი დიდი მონდომებით ეკიდება დაკისრებული მოვალეობის

შესრულების საქმეს. მოწყობილია ფიზიკის კაბინეტი თანამედროვე მოთხოვნილებების დონეზე, მისთვის გამოყოფილი ორი ოთახი სებალია საჭირო დგამ-ავეჯით და ხელსაწყო-იარაღებით, კარგად ხდება მათი გამოყენება სწავლების პროცესში, მასწავლებელი ფიზიკის საპროგრამო მასალას საფუძვლიანად ფლობს.

თიანეთის საშ. სკოლის VI კლასების ფიზიკის მასწავლებელი ტ. ყურშიაშვილი (სპეციალობით ქიმიკოსი) სუსტად ფლობს საგანს და მისი სწავლების მეთოდებს. მას არ შეუძლია ასწავლოს ფიზიკა VI კლასებში.

არაღმავაკაყოფილებლად ისწავლება ფიზიკა სიონის (მასწ. გ. ბაღდაძე), ხევსურთსოფლის (მასწ. ვ. ჯამაგიძე), ტუშურების (მასწ. თ. ოტიაშვილი) საშუალო სკოლებში. ფიზიკის გაკვეთილები, დატვირთვის შევსების მიზნით, განაწილებულია მათემატიკის მასწავლებლებს შორის, ხოლო ტუშურების საშუალო სკოლის IX კლასში ფიზიკას ასწავლის დამწყები პედაგოგი თ. ოტიაშვილი, რომელმაც წელს დაამთავრა თელავის პედ. ინსტიტუტის მათემატიკის ფაკულტეტი. მას არ გააჩნია სათანადო ცოდნა ფიზიკის სწავლებისათვის, იგი ვერ ახერხებს გაკვეთილის ახსნას და მოსწავლეთა მომზადების დონე ძალზე დაბალია.

ზემოთ აღნიშნული მასწავლებლები არ ზრუნავენ საკუთარი ცოდნის დონის ამაღლებაზე, არ იცნობენ ფიზიკის პროგრამებში უკვე დიდი ხნის წინ მომხდარ ცვლილებებს, არ ემზადებიან გაკვეთილებისათვის, ამიტომაც მათი გაკვეთილები დაბალ მეცნიერულ დონეზე მიმდინარეობს.

ასევე არაღმავაკაყოფილებლად ისწავლება ფიზიკა ლულელელების (მასწ. გ. ჯამაგიძე) და ნაქალაქარის (მასწ. ზ. ზურაბიშვილი) საშუალო სკოლებში. მოსწავლეები სუსტად ფლობენ განვილილ მასალას, რის ძირითად მიზეზს წარმოადგენს მასწავლებლების გულგრილი დამოკიდებულება მათზე დაკისრებული მოვალეობისადმი. ასე, მაგალითად, მასწ. მ. ჯამაგიძე ნაკლებ ყურადღებას უქცევს ამოცანებზე ვარჯიშს, რასაც მოწმობს მოსწავლეთა დავალების რვეულების შემოწმება, მაგ. VIII კლასში მოსწავლეებს შემოწმების დღისათვის ამოხსნილი ჰქონდათ მხოლოდ ხუთი მარტივი ამოცანა და აქედან უმეტესობა მცდარად იყო შესრულებული მასწ. მ. ჯამაგიძემ ზერელედ შეამოწმა დავალების რვეულები და ჩათვალა, რომ იგი მოსწავლეებს შესრულებული ჰქონდათ, მაშინ, როცა მოსწავლეთა გარკვეულ ნაწილს ამოცანა შეცდომით ჰქონდა ამოხსნილი. ამავე კლასში იყო შემთხვევა, როცა მოსწავლემ სიხ-



ქარის საანგარიშებელი ფორმულა მცდარად დაწერა დათაბე,
 მაგრამ მასწავლებელმა არ შეუსწორა იგი ($V = \sqrt{U_0 + gt^2}$)
 მოყვა მეორე შეცდომა ($V = \sqrt{gt^2}$).

ნაქალაქარის საშუალო სკოლის მასწ. ზ. ზურაბაშვილს გააჩნია ხარვეზები საკნის სწავლების საქმეში. მოსწავლეები ცუდად ფლობენ გავლილ საკითხებს. არ აქვთ უნარი ამოსხნან მარტივი ამოცანებიც კი, რადგანაც მათ ამოცანებზე ნაკლებად ავარჯიშებენ.

ახალი მასალის ახსნის დროს შეინიშნება, რომ ამხ. მ. ჯამაგიძეს და ზ. ზურაბაშვილს, სხვა ზემოთ ჩამოთვლილ მასწავლებლებთან შედარებით, შესწევთ უნარი უფრო შედეგიანად ასწავლონ ფიზიკა, მაგრამ ისინი უპასუხისმგებლოდ ეკიდებიან დაკისრებული მოვალეობის შესრულებას.

შემოწმებულ სკოლებში შეიმჩნევა ერთი საერთო ნაკლი: არ ექცევა ყურადღება სკოლებში მატერიალური ბაზის შექმნას და არსებულის მოვლას.

ტუშურების (კაბინეტის გამგე ამხ. თ. ოტიაშვილი, ლაბორანტი ლ. ბაგაშვილი), ლულელების (კაბინეტის გამგე მ. ჯამაგიძე, ლაბორანტი ე. საგინაშვილი), ხევსურთსოფლის (კაბინეტის გამგე ვ. ჯამაკიძე), სიონის (კაბინეტის გამგე გ. ბაღდავაძე, ლაბორანტი ნ. გოჯიაშვილი) ფიზიკის კაბინეტები არ არის წესრიგში, კაბინეტები არ არის უზრუნველყოფილი დგამ-ავეჯით და ხელსაწყო-იარაღებით, არ ხდება მათი შევსება ახალი ხელსაწყოებით. ხოლო ის, რაც გააჩნია კაბინეტებს—მოუვლელია. არსებული ხელსაწყო-იარაღები დარგების მიხედვით არ არის დალაგებული და არ არის მოწესრიგებული მათი აღრიცხვის საქმე. ამ სკოლებში თითქმის არ იყენებენ ტექნიკურ საშუალებებს კინოს, სპროექციო აპარატს, ფილმოსკოპს და სხვ. ასე, მაგალითად, ამ სკოლებში ამ სასწავლო წელს არ უჩვენებიათ არც ერთი სასწავლო ფილმი.

დაბალ დონეზეა დაყენებული მოსწავლეთა წრეთბრივი მუშაობა, ხოლო სიონის საშ. სკოლაში ფიზიკის წრე საერთოდ არ არის შექმნილი. იქ, სადაც ასეთი წრე არსებობს, გეგმაში შეტანილია საპროგრამო-მარტივი საკითხები.

ცუდად მუშაობს ფილმოტეკა (გამგე ქ. მექვაბიშვილი). იგი მოთავსებულია რაიონის ცენტრში და უჭირავს საკმაოდ დიდი ფართობი (100 კვ. მ), აქედან ერთი ოთახი გამოყოფილია ფილმების სადემონსტრაციოდ, სადაც ყველა პირობაა შექმნილი მათ მალალ



დონეზე ჩვენებისათვის, ხოლო მეორე ოთახში მოწყობილია ფილმების საწყობი. ამ საწყობში ვერ მოუხერხებიათ თაროების თება ან კარადის შექმნა, სადაც ახალი ფილმები ნორმალურ მოთავსდება.

დღეისათვის ფილმოტეკას აქვს 300 დასახელების ფილმი, მაგრამ ახლად შექმნილი ფილმები შემოწმების დღისათვის კატალოგში შეტანილი არ იყო. უმრავლეს სკოლებში აქვთ ძველი კატალოგები, სადაც მხოლოდ 180 ფილმია მოხსენებული. სკოლების უმრავლესობას დღემდე არ უსარგებლია ამ ფილმოთეკით მიუხედავად იმისა, რომ სკოლებს გააჩნიათ ფილმების დემონსტრირების საშუალება. მაგალითად, დღემდე არც ერთი ფილმი არ გაუტანიათ ფილმოთეკიდან სოფ. ნაქალაქარის საშუალო, ზარიძეების, ბოჭორმის რვაწლიან და სხვ. სკოლებს.

ფილმოთეკაში არ არის ჩამოყალიბებული პედაგოგთა აქტივი. არ ხდება ახლად მიღებული ფილმების დროულად გარჩევა და მათი კატალოგში შეტანა. დიათეკა-ფილმოთეკაში შექმნილი არ არის დიაფილმები. ამხ. ქ. მექვაბიშვილს გადაუცია სკოლებისათვის, მაგრამ, საუბედუროდ დიათეკები არც სკოლებში არის ჩამოყალიბებული.

დაბალ დონეზე ასწავლის ქიმიას ნაქალაქარის საშუალო სკოლის მასწავლებელი მ. წიქარაძე, რომელიც მოსწავლეებს ვერ აძლევს საგნის ცოდნას. IX კლასის მოსწავლეებმა სუსტად იცოდნენ გაკვეთილი — „ჰიდროქანგების თვისებების ცვლა ცენტრალური ატომის რადიუსისა და იონის მუხტის შეცვლასთან დაკავშირებით“. მათ ვერ ახსნეს ლითიუმის ჰიდროქანგის ტუტოვანი თვისებები ბერილიუმის ჰიდროქანგთან შედარებით, არ იციან მჟავას ცენტრალური ატომის მუხტის გავლენის შესახებ. ცუდად აქვთ ათვისებული ადრე შესწავლილი მასალაც, დაბალია X კლასის მოსწავლეთა ცოდნაც. ბევრმა არ იცის ორგანულ ნაერთთა აღნაგობის თეორიის ძირითადი დებულებები, პოლიმერიზაციის რეაქციები, უშვებენ შეცდომებს ნაერთთა ფორმულების შედგენაში, იზომერების ფორმულების გამოყვანაში, ვერ არჩევენ მოლეკულურ წონას გრამმოლეკულური წონისაგან და სხვ.

მასწავლებელი ვერ ამჩნევს მოსწავლეთა მიერ დაშვებულ შეცდომებს, ხოლო ზოგჯერ თვითონ უშვებს უხეშ შეცდომებს, მაგალითად, მან არასწორად დაუსახელა მოსწავლეებს პროპილენის სახელწოდება საერთაშორისო ნომენკლატურით; არასწორად და-

წერა ამილენის ფორმულა, ხოლო მის იზომერად ჩათვალა 2-მეთილ-
ამილენ-3, რომლის ფორმულა, აგრეთვე არასწორად დაწვენილი
დომით დაწერა მასწავლებელმა ბუთილენის ცის—და ტრანს-იზო-
მერების ფორმულებიც, ბევრ შემთხვევაში მასწავლებელი არასწო-
რად სვამს კითხვებს: „რა იონებად დისოცირდება მჟავები?“,
„ფუქების თვისებები რაღაა?“ „რა თვისებები აქვს მჟავას?“ და
სხვა. X კლასში ახალი მასალის ახსნის დროს არ იქნა გაშუქებული
სივრცითა იზომერიის არსებობის მიზეზები. IX კლასში ასახსნელი
ახალი მასალა—„იზოროცინგებისა და მარილების ქიმიური თვისე-
ბები ელექტროლიტური დისოციაციის თეორიის მიხედვით“ მოი-
ცავს VII—VIII კლასებში შესწავლილი მასალის განმეორება-გაღრ-
მავებას, ზოგიერთი ახალი მასალის (მარილების ქიმიური თვისებე-
ბი) დამატებით. მასწავლებელმა ორნაწილად გაყო თემა და მოს-
წავლევებს ესაუბრა მხოლოდ ადრე შესწავლილ მასალაზე; ახალი
საკითხები—მასალების ქიმიური თვისებები და ამფოტერული ჰიდ-
როქსიდები, მეორე გაკვეთილისათვის გადადო, რაც მიზანშეწონი-
ლი არ არის.

სიმონიანთხევის საშუალო სკოლის ქიმიის მასწავლებელმა
ვ. ცოცხალაშვილმა დამაკმაყოფილებლად იცის საგანი, მონდომე-
ბით მუშაობს, ხშირად ატარებს სადემონსტრაციო ცდებს, მაგრამ
იგი დაუფლებული არ არის საგნის სწავლების მეთოდებს: ვერ
აბამს მოსწავლევებს მუშაობაში, ერიდება ძნელად ასათვისებელი
საკვანძო საკითხების გარჩევას, კლასის წინაშე სვამს მარტივ და
ადვილ კითხვებს, ვერ ქმნის კლასში პრობლემურ სიტუაციას, სა-
თანადო ყურადღებას არ აქცევს მოსწავლეთა მიერ დაშვებულ
შეცდომების ანალიზს. ამის შედეგია ის, რომ მოსწავლეთა ცოდნა
დაბალია, ისინი უხეშ შეცდომებს უშვებენ საშინაო დავალების
შესრულებისა და გაკვეთილის მოყოლის დროს. IX კლასში თემის
—„ელექტროლიტური დისოციაციის თეორია“ ირგვლივ უნდა ჩა-
ტარებულყო მიმოხილვითი საუბარი, განმეორების გზით აღმო-
ფხვრილიყო ხარვეზები მოსწავლეთა ცოდნაში, ჩატარებულიყო
პროგრამით გათვალისწინებული პრაქტიკული სამუშაო და საკონტ-
როლო წერა, შემდეგ გადასულიყვნენ ახალ თემაზე. საამისოდ
დრო მასწავლებელს ჰქონდა, მაგრამ მან ეს არ გააკეთა და გადა-
ვიდა ახალ თემაზე—„აზოტი და ფოსფორი“. მსგავსი ხარვეზებით
ჩატარდა გაკვეთილი X კლასში.

ხარვეზებით ხასიათდება საკნის სწავლება ხევისურთსოფლისა (შემცვლელი მასწავლებელი ს. დიდბაშვილი) და თიანეთის (შემცვლელი ს. იმერლიშვილი) საშუალო სკოლებში, - რაც იმის შედეგია, რომ მასწავლებლები სრულყოფილად არ არიან დაუფლებული საკნის სწავლების მეოჯებს და ვერ იზენ სათანადო მომთხოვნელობას მოსწავლეთა მიმართ, ნაკლებ დროს უთმობენ ახალი მასალის ახსნას და მის განმტკიცებას.

შემოწმებულ სკოლებში ქიმიის სწავლებაში შემჩნეული ნაკლოვანებები იმითაც არის გამოწვეული, რომ ჯერ კიდევ სათანადოდ არ არის დანერგილი სწავლებაში ლაბორატორიული და პრაქტიკული სამუშაოები, ვაკვეთილებზე არ იყენებენ ტექნიკურ საშუალებებს, ყურადღებას არ აქცევენ საკონტროლო წერების ჩატარებას. შემოწმების ღლისათვის საკონტროლო წერები ჩატარებული იყო მხოლოდ თიანეთის საშუალო სკოლაში.

სკოლების ბელმქდვანელები და საკნის მ. სწავლებლები მონდომებით არ იბრძვიან სასწავლო-მატერიალური ბაზის გაზრდისათვის. თიანეთისა და ხევისურთსოფლის საშუალო სკოლებში კლასკაბინეტები აქვთ. სიმონიანთხევის საშუალო სკოლაში ქიმი-აბიოლოგიის კაბინეტი ერთად არის, ნაქალაქარის საშუალო სკოლის ქიმიის კაბინეტი შეუფერებელ ოთახშია, ყოველივე ეს აძნელებს კაბინეტების მოწყობასა და მიზნობრივად გამოყენებას. სკოლები ჯერ კიდევ არ არის უზრუნველყოფილი საკმარისი რაოდენობის რეაქტივებით, ჭურჭლებით, ხელსაწყოებით, არ არის დაცული რეაქტივების შენახვის წესი. არ აქვთ ამწოვი კარადები და პირველდამარების საშუალებები.

ბიოლოგიის სწავლებაში გარკვეული მიღწევები აქვს თიანეთის საშუალო სკოლას (მასწ. თ. ბაიაშვილი), სიონის საშ. სკოლას (მასწავლებელი პ. ქუმსიაშვილი). თ. ბაიაშვილს VII კლასში ზოოლოგიის ვაკვეთილზე გამოსაკითხი მასალა ჰქონდა „სიფრიფანა ფრთიანი მწერები“. მასწავლებელმა საკლასო ყურნალში საჭირო ჩანაწერები გააკეთა, კლასს ყურადღებით მოავლო თვალი, შეამოწმა საშინაო დავალება. მოსწავლეები კარგად ჰყვებიან ვაკვეთილს. რწმუნდება რა, ვაკვეთილი ყველა მოსწავლემ იცის, ხსნის ახალ მასალას — „ორფრთიანების რიგი“. მასალას ხსნის დანჯად, გასაგებად, იყენებს თვალსაჩინობას, მოფაქრებულ კითხვებს სვამს. ვაკვეთილზე ყველა მოსწავლე აქტიურობდა, აზროვნებდა; ყველას საკუთარი თავის იმედი ჰქონდა. მასწავლებელი სისტემატურად

ზრუნავს ბავშვებზე, რასაც გრძნობენ ბავშვები და უყოყმანოდ ასრულებენ პედაგოგის მითითებას, უყვართ, პატივს სცემენ. ასეთი გაკვეთილები ჩაატარა მან VIII და IX კლასებში. საგნის ღრმა ცოდნამ, სწავლების მეთოდების ოსტატურად მომარჯვებამ დადი ავტორიტეტი შეექმნა თ. ბაიაშვილს მოსწავლეებში და მოსახლეობაში. არც ერთი ორიანი ბიოლოგიაში — ასეთია ამჟამად მოწიფე მასწავლებლის დევიზი.

სიონის საშუალო სკოლის მასწავლებელს პ. ქუმსიაშვილს ბოტანიკას გაკვეთილზე გამოსაკითხი მასალა ჰქონდა „თესლის ორგანული ნივთიერებები“, გადასაცემი მასალა — „თესლის შედგენილობა“ ახალი მასალის ახსნისა, ბავშვებს უჩვენა ექსპერიმენტი თესლში წყლის გამომჟღავნებაზე. ამისათვის სინჯარაში დაახლოებით 1/5-ზე ჩაყარა სიმინდის (თესლი, სპირტის ალზე გააცხელა, მაღალი ტემპერატურის ზეგავლენით თესლში არსებული წყალი ააორთქლა და სინჯარის ზემო კედელზე, რომელმაც ვერ ვერ მოასწრო გაცხელება, წყლის პატარა წვეთები გააჩინა, რითაც ბავშვები დაარწმუნა იმაში, რომ გარეგნულად მშრალ თესლში მოიპოვება წყალი, მინერალური და ორგანული ნივთიერებები. ასეთივე კარგი გაკვეთილი ჩაატარა მან VIII კლასებში.

ზარიძეების მ-წლიანი სკოლის მასწავლებელმა აგაშენაშვილმა დამაკმაყოფილებლად ჩაატარა ბოტანიკის გაკვეთილი VI კლასში. გამოსაკითხი მასალა ჰქონდა რთულ ყვავილოვანთა ოჯახიდან — „მზესუმზირა“, ხოლო გადასაცემი მასალა — „რთულ ყვავილოვანთა ოჯახის საერთო ნიშნები“.

ასევე დამაკმაყოფილებლად ასწავლიან ბიოლოგიას სიმონიანთხევის (მასწავლებელი ლ. ტაბატაძე), ღუღელების (მასწ. მ. ვეფხვაძე), ხევსურთსოფლის (მასწ. ვ. ბუჯიაშვილი) საშუალო სკოლებში.

თიანეთის საშუალო სკოლის სასოფლო-სამეურნეო შრომის სწავლების მასწავლებელმა ს. იმერლიშვილმა დაწყვილებული გაკვეთილი ჩაატარა VII კლასში. მასწავლებელმა პირველი გაკვეთილი ჩაატარა კლასში, ხოლო მეორე — ნაკვეთზე. გამოსაკითხი მასალა ჰქონდა „სახილის მოსავლის აღება და აღრიცხვა“, გადასაცემი მასალა — „მსხვილი რქოსანი საქონლის ჯიშები“ პირველ გაკვეთილზე მასწავლებელმა ორ მოსწავლეს მთაყოლა საშინაო დავალება. შემდეგ შეამოწმა ფრონტალური კიოხვებით კლასი და

ახალი მასალა—„მსვილფესა რქიანი საქონლის ჯიშები“
დამაჯერებლად.



შემდეგ მოახდინა ახალი მასალის განმტკიცება კითხვებით. მეორე დაწყვილებულ გაკვეთილზე მასწავლებელმა მოსწავლეები მწყობრში ჩააყენა და სასწავლო-საცდელ ნაკვეთზე წაიყვანა, სასწავლო ნაკვეთი ბავშვებს გაასუფთავებინა სარეველებისაგან, ვინაიდან სასწავლო-საცდელ ნაკვეთზე სკოლის ზოოლოგიური განყოფილება არა ჰქონდათ და გაკვეთილი ითვალისწინებდა ექსკურსიას მეცხოველეობის ფერმაში მსხვილი რქიანი საქონლის ჯიშების გასაცნობად, ამიტომ უმჯობესი იქნებოდა მასწავლებელს გაკვეთილი ჩაეტარებინა კოლმეურნეობის ან საბჭოთა მეურნეობის ფერმაში. საჭიროა მასწავლებელმა შეადგინოს გაკვეთილის გეგმა, სადაც ზუსტად გაითვალისწინოს თუ დაწყვილებული ორი გაკვეთილის განმავლობაში რა უნდა გააკეთოს. მეორე დაწყვილებულ გაკვეთილზე მასწავლებელმა ბავშვები სასწავლო ნაკვეთზე გამოიყვანა და ყოველგვარი ინსტრუქტაჟის და საუბრის გარეშე აგლეჯინა სარეველები. უმჯობესი კი იქნებოდა ესაუბრა მათთან, თუ რატომ აწარმოებს სარეველების მოგლეჯვას ძირიანად, რა ზიანი მოაქვს კულტურული მცენარეებისათვის მას, გარდა მოგლეჯისა, მასწავლებელს უნდა ეთქვა სარეველების მოსპობის სხვა რა ხერხია ცნობილი და სხვ.

საბუნებისმეტყველო საგნები ფართოდ უნდა იყოს დაკავშირებული მოსწავლეთა პრაქტიკულ მეშობასთან სასწავლო-საცდელ ნაკვეთზე, ამ მხრივ, თიანეთის რაიონის ზოგიერთ სკოლას კარგი ნაბიჯები აქვს გადადგმული, მაგ. ტუშურებისა და თიანეთის საშუალო სკოლებს და სხვ.

ტუშურების საშუალო სკოლის ნაკვეთი 0,5 ჰას შეადგენს ნაკვეთზე აქვთ ხეხილი, მათ შორის ვაშლი, მსხალი და სხვ. ნაკვეთზე აქვთ ბოსტნეულისა და მინდვრის კულტურების განყოფილება. ზოოლოგიური განყოფილებიდან აქვთ ოთხი ოჯახი ფუტკარი.

სიონის საშუალო სკოლის სასწავლო-საცდელი ნაკვეთის გამგეს პ. ქუმსიაშვილს აქვს როგორც ნაკვეთის სამუშაო გეგმა, ასევე ცდების დაყენების გეგმა.

ნაკვეთზე აქვთ ხეხილის, ბოსტნეულის, მინდვრის კულტურების და ყვავილების განყოფილება და ბოსტნეული კულტურების ჩითილის გამოსაყვანად ერთი კვალსათბური.

ნაკვეთზე არის გაკვეთილის ჩასატარებელი ღია მოედანი, სადაც დგას მაგიდა და სკამები.

ზარიძეების მ-წლიანი სკოლის ნაკვეთი (გამკე ა. ავაშენ-შვილი) შემოუღობავია და არავითარი საცდელი მუშაობა არ ტარდება. ასეთივე მდგომარეობაა სიმონიანთხევის და ღუღელეების საშუალო სკოლებში.

კარგადაა დაყენებული ისტორიის სწავლება მ. გელოვან-სახელობის თიანეთის საშუალო სკოლაში. მასწავლებელი რ. იარაჯული სწავლების მეთოდებს იყენებს საქმის ცოდნით, მოხერხებულად, მარჯვედ და პირობების გათვალისწინებით, იგი მოსწავლეებისათვის სავსებით გასაგებს, მისაწვდომსა და შესათვისებლად დასაძლევს ხდის ისტორიულ ფაქტებსა და მოვლენებს. სასწავლო პროცესს ხდის რაც შეიძლება მიმზიდველს, საინტერესოს და იწვევს მოსწავლეებში შესაფერ დადებით ემოციებს, მასწავლებლის თბრობის უნა, მეტყველება არის ნათელი, ლიტერატურულად, სტილისტურად დახვეწილი; ხმის ტემბრი არის მშვიდი, ბუნებრივი, სასიამოვნო და მიმზიდველი. კითხვებს სვამს მკვეთრად, სათანადო ინტონაციის დაცვით და იწვევს მოსწავლეთა სწრაფ რეაგირებას მოსწავლეებისაგან კი მოითხოვს სრულ, ზუსტ, ამომწურავ, გააზრებულ, გაცნობიერებულ, პასუხს. სწორედ ამით აიხსნება, რომ იმ კლასების მოსწავლეებს, რომლებსაც მასწავლებელი რ. იარაჯული ასწავლის, გააჩნიათ საპროგრამო მასალის მკვიდრი და საფუძვლიანი ცოდნა. დამაკმაყოფილებლად არის დაყენებული ისტორია-საზოგადოებათმცოდნეობის სწავლება ტუშურების (მასწ. არჩომაშვილი), სიმონიანთხევის (მასწ. კ. პატურაშვილი და ქაშიაშვილი), ხევსურთსოფლის (მასწ. გ. ფიცხალაური), სიონის (მასწ. გ. ლევერაშვილი), თიანეთის (მასწ. ი. გელიაშვილი) საშუალო სკოლებში.

დაბალ დონეზე დგას ისტორიის სწავლება ღუღელეების საშუალო სკოლის X კლასში. მასწავლებელი ე. აფხაზიშვილი არ ემზადება გაკვეთილებისათვის, არ იყენებს სწავლებაში თვალსაჩინოებას და ტექნიკურ საშუალებებს. იგი გაკვეთილის თბრობის დასაწყისში არ აცნობს მოსწავლეებს თბრობის თემას, მის უმთავრეს საკითხებს და ვერ იწვევს მოსწავლეებში მასალის მოსმენის, გავებისა და შეთვისებისათვის საჭირო ინტერესს და ყურადღებას. ხოლო თბრობის ბოლოს არ აკეთებს მონათბრობის სისტემაში ზოგჯერ და ძირითადი დასკვნების გამოყვანას. ამიტომ, მოსწავლეებმა მასწავლებლის მიერ „ახსნილი“ მასალა—„დიდ სამამულო

ომში სსრ კავშირის გამარჯვების წყაროები“ ვერ გაიგეს, ასევე სუსტად იციან განვლილი მასალა. ასეთივე მდგომარეობაა ქიმეწულნი სურათოფლის საშუალო სკოლის VIII კლასში, მასწავლებელმა ნ. ზურაბიშვილმა ვერ შეძლო დაესაბუთებინა თუ რა საფრთხე მოელოდა საფრანგეთს იმ მომენტში, როცა ძალაუფლება ხელში აიღეს იაკობინელებმა. რატომ იყო იაკობინელთა ხელისუფლება რევოლუციურ-ბურჟუაზიულ-დემოკრატიული დიქტატურა და რატომ იყო ეს პერიოდი საფრანგეთის ბურჟუაზიული რევოლუციის უმაღლესი საფეხური, რატომ იყო აუცილებელი რევოლუციური ტერორი, რა გაუკეთეს იაკობინელებმა მშრომელ მასებს და ა. შ.

ანალოგიური მდგომარეობაა სიმონიანთხევის საშუალო სკოლის მე-8 კლასში. მასწავლებელმა ნ. კრიჟანოვსკიმ ვერ მოახერხა განმარტა მოსწავლეებისათვის, რატომ იყო ლათინური ამერიკის კოლონიური აჯანყებანი და ომები ბურჟუაზიული, რით გამოიხატა მათი დაუმთავრებლობა, შეერთებული შტატების დაპყრობითი გეგმები ლათინურ ამერიკაში და ა. შ.

ძალზე სუსტად ისწავლება ისტორია თიანეთის საშუალო სკოლის V კლასში, მასწავლებელი ა. მექვაბიშვილი სასკოლო სახელმძღვანელოში მოცემული მასალის გადაცემასაც კი ვერ ახერხებს, მოსწავლეებმა გამოსაკითხი გაკვეთილის თემიდან— „სახელმწიფოს მართვა-გამგეობა და კლასთა ბრძოლა ეგვიპტეში“, ვერაფერი თქვეს, თუ რა მოვალეობას ასრულებდნენ მოხელეები ეგვიპტეში, რატომ მიაჩნდა მეფეს ღარიბები ყველაზე უფრო საშიშ მტრებად, ასევე ვერაფერი თქვეს გლეხებისა და მონების მდგომარეობის შესახებ, რომელ საუკუნეში იყო აჯანყება ეგვიპტეში და რამდენი საუკუნის წინათ იყო ეს აჯანყება.

ასევე სუსტად მუშაობს სიონის საშუალო სკოლის მასწავლებელი მ. ჭინჭრაული. VII კლასის მოსწავლეებმა, გამოსაკითხი მასალიდან— არაბთა ხალიფატი და მისი დაშლა, ვერ დაასახელეს არაბების მიერ დაპყრობილი ქვეყნები, სახალხო აჯანყების რაიონები, რა მიზეზებმა გამოიწვია არაბთა ხალიფატის დაშლა და ა. შ. სუსტად და ბუნდოვნად ახსნა მასწავლებელმა თემა— „ხალიფატის ქვეყნების კულტურა“, თითქმის არაფერი უთქვამს მეცნიერების, ლიტერატურისა და ხელოვნების და ხალიფატის კულტურის მნიშვნელობის შესახებ. ასევე, ტუშურების საშუალო სკოლის IX კლასის მასწავლებელმა დ. კახოვილმა თემის— „მარქსიზმის გავრცე-

ლება და მეორე ინტერნაციონალის შექმნა“—ახსნისას არ განმარტა თუ როგორი იყო მეორე ინტერნაციონალის შექმნის წინაპირობები, რა ზომებს მიმართავენ მარქსი და ენგელსი, რომ უზრუნველყოთ მარქსიზმის იდეათა გამარჯვება საერთაშორისო მუშათა მოძრაობაში და ა. შ.

შ. ლომიძე (ხელმძღვანელი)

დ. მახარაძე

ე. ქურციკიძე

გ. ხოშტარია

გ. გიორგობიანი

ჰ. თუთბერიძე

გ. ლომსიანიძე

ი. ბერუაშვილი

საქართველოს სსრ განათლების სამინისტროს 1972 წ.
 2 დეკემბრის ბრძანება № 641

ქ. რუსთავის მუსიკალური ჯგუფების შემოწმების შედეგების
 შე ს ა ხ ე ბ

აღნიშნავ, რომ უკანასკნელ ხანს საგრძნობლად გაუმჯობესდა მუსიკალური ჯგუფების მუშაობა ქ. რუსთავის სკოლებში. გაიზარდა მოსწავლეთა კონტინგენტი, შედარებით ამაღლდა სწავლების ხარისხი. სკოლების მატერიალურ-ტექნიკური ბაზა ძირითადად დამაკმაყოფილებელია.

მიუხედავად ამისა, ქ. [რუსთავის სკოლების მუსიკალური ჯგუფების მუშაობაში ჯერ კიდევ აქვს ადგილი სერიოზულ ნაკლოვანებებს. თითქმის არც ერთ სკოლაში, გარდა მე-15 სკოლის მუსიკალური შვიდწლედისა, არ იგრძნობა დირექტორების მოადგილეების მუსიკალური აღზრდის დარგში სწორი და უნარიანი მეთოდური ხელმძღვანელობა პედაგოგების მიმართ, პედაგოგები მუშაობენ დაუმტკიცებელი ინდივიდუალური გეგმებით, რომლებიც უწესრიგოდაა გაფორმებული (მაგალითად, მე-13 სკოლა, პედაგოგი მ. რუხაძე, 1-ლი სკოლის პედაგოგი პეტროვსკაია, მე-17 სკოლის პედაგოგი მენტეშაშვილი და სხვ.). კონტროლს მოკლებულია მოსწავლეთა დღიურების წარმოება (მაგალითად, მე-9 სკოლის პედაგოგი ლ. ეგვინძე, მე-13 სკოლის პედაგოგი რ. კუროიანი). პედაგოგების საგრძნობ ნაწილს არა აქვთ სათანადო ცენზი და კვალიფიკაცია, რის გამოც მოსწავლეები ჩამორჩენილი არიან პროგრამული მასალის გავლაში (მაგალითად, მე-13 სკოლის პედაგოგები—რ. კუროიანი, ლ. ჩირინაშვილი, ც. ივანეიშვილი, ვაშაძე, მე-11 სკოლის პედაგოგი ლ. პაპუაშვილი).

შემოწმებით გამოირკვა, რომ მუსიკალური ჯგუფების ხელმძღვანელები უგულვებელყოფენ გეგმების, სამეცადინო ცხრილების

და-სხვა საჭირო დოკუმენტაციის წარმოებას (1-ლი, მე-7, მე-11, მე-13, მე-19 და სხვა სკოლები). მოსმენილმა გაკვეთილებმა, გიერთი გამონაკლისის გარდა, არ დატოვა დამაკმაყოფილებელი შთაბეჭდილება. პედაგოგები თავს ვერ ართმევენ მათ წინაშე დასახულ ძირითად ამოცანას, არ შეუძლიათ გაკვეთილის გეგმაზომიერი წარმართვა, რაციონალურად ვერ იყენებენ გაკვეთილისათვის განსაზღვრულ დროს.

ქ. რუსთავის განათლების განყოფილება ჯერ კიდევ ცოტა დროს უთმობს სკოლების მუსიკალური ჯგუფების მუშაობის საკითხებს. სუსტად ტარდება საქალაქო მასშტაბით მეთოდური მუშაობა, სემინარები, ღია და დახურული კონცერტები და სხვ. მეთოდისტ-ინსპექტორებმა (თ. ჯანელიძე და გ. მუჯირი) თავი ვერ გაართვეს მათზე დაკისრებულ მოვალეობას.

ქ. რუსთავის საშუალო სკოლების მუსიკალური ჯგუფების მუშაობის შემდგომი გაუმჯობესების მიზნით

გ ბ რ ძ ა ნ ე ბ

1. ქ. რუსთავის საშუალო სკოლების დირექტორებმა:

ა) უზრუნველყონ მუსიკალურ ჯგუფებში სასწავლო-სააღმზრდელო მუშაობის გაუმჯობესება;

ბ) სისტემატური კონტროლი გაუწიონ მუსიკალური აღზრდის დარგში დირექტორების მოადგილეების საქმიანობას, შრომის დისციპლინას, დოკუმენტაციის სათანადოდ გაფორმებას;

გ) სათანადო ყურადღება დაუთმონ სასწავლო-სააღმზრდელო მუშაობაში მასობრივი ღონისძიებების ჩატარებას. ღია და დახურულ აკადემიურ კონცერტებს, კონკურსებს, სხვა სკოლების მუსიკალურ ჯგუფებთან შემოქმედებით შეხვედრებს;

დ) უზრუნველყონ მუსიკალური ჯგუფები სათანადო მასალა-ხელსაწყოებით, ინვენტარით, საკრავებით, შესაფერი ბინებითა და სხვა;

ე) გამოავლინონ სუსტად მომუშავე პედაგოგები და განათლების განყოფილებასთან ერთად მიიღონ სათანადო ზომები.

11. ქ. რუსთავის განათლების განყოფილებამ (ა. შერვაშიძე):

ა) სისტემატური კონტროლი გაუწიოს და თვალყური ადევნოს მუსიკალური ჯგუფების მუშაობას;

ბ) 1972—1973 სასწავლო წლისათვის გადაახალისოს მუსიკალური ჯგუფების მასწავლებელთა შემადგენლობა. სისტემატურად

იზრუნოს მუსიკალური ჯგუფების კვალიფიციური გამგეებით და პედაგოგებით შევსებაზე. არ დაუშვას სათანადო კვალიფიკაციის ცენტრები და ცენტრის არამქონე მასწავლებლების მიღება;

გ) კონტროლი გაუწიოს ესთეტიკური ციკლის ინსპექტორ-მეთოდისტების მუშაობას; მათ მიერ მეთოდური ღონისძიებების სისტემატურად ჩატარებას, ლექცია-სემინარების ორგანიზებას მუსიკალური ჯგუფების მასწავლებლებისათვის, საქალაქო თემატური ღონისძიებების ჩატარებას და სხვ;

დ) უზრუნველყოს მუსიკალურ ჯგუფებში, სადაც სათანადო ცენტრითა და გამოცდილებით არიან პედაგოგები, მეთოდკომისიების შექმნა სპეციალობების მიხედვით;

ე) განათლების საბჭოს სხდომებზე განიხილოს მუსიკალური ჯგუფების მუშაობის საკითხები;

ვ) უზრუნველყოს მუსიკალური ჯგუფების ყველა საჭირო დოკუმენტაციის სათანადოდ გაფორმება;

III. ესთეტიკური აღზრდის რესპუბლიკურმა სამეცნიერო-მეთოდურმა კაბინეტმა (ამბ. ჯ. მუჯირი):

ა) დახმარება გაუწიოს ქ. რუსთავის განათლების განყოფილებას სათანადო პედაგოგიური კადრების შეოჩევაში;

ბ) მოახდინოს აღნიშნული ბრძანების შესრულების შემოწმება 1972—73 სასწავლო წლის დასაწყისში.

საფუძველი: საქართველოს სსრ განათლების სამინისტროს კოლეგიის 1972 წ. 25 მაისის დადგენილება.

საქართველოს სსრ განათლების
მინისტრი თ. ლაშქარაშვილი

საქართველოს სსრ განათლების სამინისტროს 1972 წ.
11 დეკემბრის ბრძანება № 651

რესპუბლიკაში საყოველთაო-საშუალო განათლებაზე გადასვლის
მდგომარეობის თაობაზე საქართველოს სსრ უმაღლესი საბჭოს
პრეზიდიუმის 1972 წლის 19 ოქტომბრის დადგენილების
განხორციელების შესახებ

ვაქვეყნებ საქართველოს სსრ უმაღლესი საბჭოს პრეზიდიუმის
1972 წლის 19 ოქტომბრის დადგენილებას—„რესპუბლიკაში საყო-
ველთაო-საშუალო განათლებაზე გადასვლის მდგომარეობის შე-
სახებ“.

„საქართველოს სსრ უმაღლესი საბჭოს პრეზიდიუმი, რომელ-
მაც განიხილა საქართველოს სსრ უმაღლესი საბჭოს დეპუტატე-
ბისა და საქართველოს სსრ განათლების სამინისტროს მიერ წარ-
მოდგენილი მასალები რესპუბლიკაში საყოველთაო-საშუალო გა-
ნათლებაზე გადასვლის მდგომარეობის შესახებ, აღნიშნავს, რომ
მშრომელთა დეპუტატების რაიონულმა, საქალაქო, სასოფლო და
სადაბო საბჭოებმა პარტიული ორგანოების ხელმძღვანელობით,
განათლების ორგანოებთან ერთად, დიდი მოსამზადებელი მუშაობა
ჩატარეს საყოველთაო-საშუალო განათლებაზე გადასვლასთან და-
კავშირებით. გატარებულ ღონისძიებათა შედეგად უკანასკნელ
წლებში მნიშვნელოვნად გაიზარდა საშუალო სკოლადამთავრებულ-
თა რიცხვი, გაუმჯობესდა სკოლების შევსება მასწავლებელთა კად-
რებით, განმტკიცდა ზოგადსაგანმანათლებლო სკოლების მატერია-
ლური ბაზა.

გასულ 1971—1972 სასწავლო წელს რვა კლასის განათლება
მიიღო 90 ათასზე მეტმა მოსწავლემ, ანუ იმ ახალგაზრდობის 93,0
პროცენტმა, რომლებიც რვა წლის წინათ შევიდნენ სკოლაში; სა-
შუალო განათლება მიიღო 65 ათასზე მეტმა, ანუ იმ ბავშვების
70 პროცენტმა, რომლებიც 1962/1963 სასწავლო წელს შევიდნენ

პირველ კლასში. შემცირდა სკოლებიდან უმიზეზოდ განთესვის შემთხვევები. საქართველოს სსრ უმაღლესი საბჭოს დებუტატების მიერ მიღებული ზომების შედეგად მიმდინარე სასწავლო წელს სკოლებს დაუბრუნდა 334 მოსწავლე.

გაიზარდა მოსწავლეთა მიღება საშუალო სკოლების მე-9 კლასში, ტექნიკუმებსა და იმ პროფტექნიკურ სასწავლებლებში, რომლებიც საშუალო განათლებას იძლევიან.

1971—72 სასწავლო წელს რეაკლასდამთავრებულთაგან მე-9 კლასში სწავლას აგრძელებს 83,8 პროცენტი.

სახალხო მეურნეობის განვითარების გეგმით 1972—73 სასწავლო წელს ზოგადსაგანმანათლებლო სკოლებში უნდა გასწავლა 979,1 ათას მოსწავლეს, ფაქტიურად სწავლობს 979,117, გეგმა შესრულებულია 100 პროცენტით.

სალამოს (ცვლის) და დაუსწრებელი სწავლების სკოლებში გეგმით უნდა სწავლობდეს 48.099 მოზარდი, ფაქტიურად სწავლობს 48,199, ანუ გეგმა შესრულდა 100,2 პროცენტით.

გადიდდა კვალიფიციურ მასწავლებელთა რიცხვი. ზოგადსაგანმანათლებლო სკოლების მასწავლებელთა 69 პროცენტს უმაღლესი განათლება აქვს, უფრო სრულყოფილი ხდება სასწავლო-აღმზრდელობითი პროცესი.

მნიშვნელოვანი ღონისძიებები ტარდება სკოლების მატერიალური ბაზის განსამტკიცებლად, უკანასკნელი 4 წლის (1969—72 წ. წ.) სახელმწიფო კაპდაბანდებათა თანხებით სასკოლო შენობები აშენდა 98.000 მოსწავლისათვის.

ამასთან ერთად, რესპუბლიკაში საყოველთაო-საშუალო განათლებაზე გადასვლის საქმეში ჯერ კიდევ არსებითი ნაკლოვანებანია, ხშირია მოსწავლეთა სკოლიდან გასვლის შემთხვევები. 1972 წელს სწავლა მიატოვა ზოგადსაგანმანათლებლო სკოლის მოსწავლეთა 2,4 პროცენტმა და სალამოს სკოლის მოსწავლეთა 8,9 პროცენტმა. ამ მხრივ განსაკუთრებით არაღამაკმაყოფილებელი მდგომარეობაა ახალქალაქის, ონის, მესტიის, ყაზბეგის, ჩოხატაურის, ყვარლის, ბოგდანოვკის რაიონებში.

ჯერ კიდევ დიდია მეორეწლიან მოსწავლეთა რიცხვი. 1972 წელს ზოგადსაგანმანათლებლო სკოლებში იგი შეადგენდა 25.490 (2,6%), ხოლო სალამოს სკოლებში 28.000 (5%) მოსწავლეს.

ახალგაზრდობის სწავლებაში ჩაბმის სახალხო მეურნეობის განვითარების გეგმა არ. შეუსრულებიათ ახალციხის, ამბროლაურის, გურჯაანის, ონას, ორჯონიკიძის, თეთრი წყაროს რაიონებს, ხოლო ყაზბეგის, კასპის, ყვარლის, გორის, აბაშის, ღანჩხუთის, სამტრედიის რაიონებში რვაკლასდამთავრებულთა მხოლოდ 60—70 პროცენტი აგრძელებს სწავლას საშუალო განათლების მისაღებად. ჯერ კიდევ სუსტია ზოგიერთი სკოლის მატერიალური ბაზა. 380-ზე მეტი შენობა მთლიანად ამორტიზებულია და ავარიულ მდგომარეობაშია, 460 სკოლა მოთავსებულია დაქირავებულ შენობაში.

ზოგან სრულყოფილად არ სრულდება ზემდგომი ორგანოების დადგენილება შორს მცხოვრები ბავშვების ტრანსპორტით უფასოდ სკოლაში მიყვანის და სახლში წაყვანის შესახებ. სასკოლო-ინტერნატების არსებული ქსელი ვერ აკმაყოფილებს მოთხოვნილებას, ამ მიზეზით სოფლის სკოლების მოსწავლეთა 60 პროცენტი სკოლაში ფეხით დიდ მანძილზე დადის, ან კერძო, დაქირავებულ ბინებში ცხოვრობს, სასკოლო-ინტერნატების უმრავლესობაში არ არის შექმნილი სათანადო პირობები ბავშვთა ნორმალური ცხოვრებისა და მეცადინეობისათვის.

სკოლების გარკვეული რაოდენობა, განსაკუთრებით სოფლად, უზრუნველყოფილი არ არის სათანადოდ აღჭურვილ სასწავლო კაბინეტ-ლაბორატორიებით.

საქართველოს სსრ განათლების სამინისტროს პედაგოგიკის მეცნიერებათა სამეცნიერო კვლევითი ინსტიტუტი წელი ტემპით ამუშავებს მოსწავლეთა განათლების, აღზრდისა და პროფესიული ორიენტაციის პრობლემებს.

უმაღლეს სასწავლებლებში მასწავლებელთა კადრების მომზადება არასაკმარისად არის დაკავშირებული ზოვადსავანძნათლებლო სკოლის თანამედროვე მოთხოვნებთან.

მშრომელთა დებუტატების ზოგიერთი რაიონული, საქალაქო, სადაბო და სასოფლო საბჭოს აღმასკომი ჯეროვან ყურადღებას არ აქცევს საყოველთაო საშუალო განათლებაზე გადასვლის განხორციელებას, ამ საქმეში ნაკლებად იყენებს ადგილობრივი საბჭოების დებუტატების დიდ შესაძლებლობებს, სათანადო ყურადღება არ ექცევა სასკოლო ასაკის ბავშვთა აღწერას, საკმარის და საბინაო დავთრებში არსებული ჩანაწერების შედარებას სწავლებაში ფაქტიურად ჩაბმულ მოსწავლეთა სიებთან.



ბოგდანოვკის, ახალქალაქის, სიღნაღის, ახალციხის, კასპის, ოჩამჩირის, ონის რაიონებში არ სრულდება მთავრობის დადგენილი ლეზა მასწავლებელთა უფასო კომუნალური (ბინა, გათბობა, განათება) მომსახურებით უზრუნველყოფის შესახებ. ნელი ტემბით მიმდინარეობს სოფლის მასწავლებლებისათვის სახლების მშენებლობა.

საქართველოს სსრ უმაღლესი საბჭოს პრეზიდიუმი ადგენს:

1. აღინიშნოს, რომ საქართველოს სსრ უმაღლესი საბჭოს დებუტატებმა დიდი მუშაობა გასწიეს თავიანთ-საარჩევნო ოლქებში სკოლიდან განთესილ ბავშვთა სწავლებაში ჩასაბმელად და ეთხოვოს მათ შემდგომშიც ადევნონ თვალყური სკოლის ასაკის ყველა ბავშვის სწავლებაში ჩაბმას, სკოლებში მოსწავლეთა კონტინენტის შენარჩუნებას და ყოველმხრივ დაეხმარონ განათლების ორგანოებს — აღმოფხვრან საყოველთაო-საშუალო განათლებაზე გადასვლი საქმეში არსებული ნაკლოვანებანი.

2. საქართველოს სსრ მშრომელთა დებუტატების საოლქო, საქალაქო, რაიონული საბჭოების აღმასრულებელმა კომიტეტმა, განათლების ორგანოებთან ერთად, პარტიის XIV ყრილობის გადაწყვეტილებათა საფუძველზე მიიღონ ზომები რესპუბლიკის ზოგადსაგანმანათლებლო სკოლების საყოველთაო-საშუალო განათლებაზე გადასვლის უზრუნველსაყოფად, რისთვისაც:

ა) განახორციელონ კონკრეტული ღონისძიებანი სასკოლო ასაკის ყველა ბავშვის სწავლებაში ჩასაბმელად, ამასთან მტკიცე კონტროლი დააწესონ სასკოლო ასაკის ბავშვთა და მოზარდთა აღრიცხვაზე;

ბ) მიაღწიონ იმას, რომ უკლებლივ ყველა მოსწავლე აქთავრებდეს რვაწლიანი სკოლის სრულ კურსს და შემდგომ, საშუალო განათლების მისაღებად სწავლას აგრძელებდეს საშუალო სკოლის მე-9 კლასში, ტექნიკუმში ან პროფტექნიკურ სასწავლებლებში;

გ) ვაატარონ ქმედითი ღონისძიებანი მოსწავლეთა აკადემიური ჩამორჩენილობისა და მეორეწლიანთა რიცხვის მინიმუმამდე დაყვანისათვის;

დ) შესაბამის სამინისტროებთან, უწყებებთან, წარმოების ხელმძღვანელობასთან ერთად, გააუმჯობესონ საღამოს (ცვლის) და დაუსწრებელი ზოგადსაგანმანათლებლო სკოლების მუშაობა. მომუშავე ახალგაზრდებს შეუქმნან ყოველკვარი პირობები საშუალო განათლების მისაღებად;



ე) მიიღონ ზომები შორს მცხოვრებ მოსწავლეთა ტრანსპორტირების უფასოდ სკოლაში წაყვანისა და სახლში მიყვანისათვის, მუდმივად უკრძალავთ მათ სკოლაში დასასრულებლად დასვლას და სახლში დაბრუნებისას მათი მშობლებისა და მათი მშობლების მხარეზე დასაჯდომის საფრთხის შექმნას და ინტერნატში მცხოვრებ ბავშვთა კვების საქმის გაუაფხობესებას;

ვ) იზრუნონ რაიონში სამუშაოდ ჩასულ მოსწავლეებელთა საყოფაცხოვრებო პირობების გაუმჯობესებისათვის და არ დაუშვან დარღვევები მთავრობის მიერ მათთვის დაწესებული შეღავათების ზანზორციელებაში;

ზ) საყოველთაო-საშუალო განათლებაზე გადასვლასთან დაკავშირებული ცალკეული საკითხები სისტემატურად განიხილონ სესიებზე, აღმასკომების სხდომებზე, მოსახლეობის კრებებსა და ყრილობებზე, ამ საქმეში ფართოდ ჩააბან საბჭოების დებუტატები, მუდმივი კომისიები და აქტივი.

3. საქართველოს სსრ განათლების სამინისტრომ, პედაგოგიკის მეცნიერებათა სამეცნიერო-კვლევითმა ინსტიტუტმა და განათლების ადგილობრივმა ორგანოებმა:

ა) დროულად დაამთავრონ სკოლების გადაყვანა ახალ სასწავლო გეგმებსა და პროგრამებზე, შეადგინონ - და გამოსცენ სახელმძღვანელოები, სასწავლო-მეთოდურ სახელმძღვანელოთა კომპლექტები, რომლებშიც აისახება მეცნიერებისა და წარმოების თანამედროვე მიღწევათა დონე;

ბ) თანამიმდევრულად განახლონ და გაამრავლონ სწავლების მეთოდები, ეფექტურად გამოიყენონ სწავლების ტექნიკური საშუალებანი - კინო, რადიო და ტელევიზია: გააუმჯობესონ ფაკულტატიური მეცადინეობის შინაარსი; მიიღონ ზომები მოსწავლეთა ზნეობრივი, ესთეტიკური, სამართლებრივი, სამხედრო-პატრიოტული და ათეისტური აღზრდისათვის;

გ) გაზარდონ მოსწავლეებელთა დახელოვნების ინსტიტუტის როლი მოსწავლეებელთა კვალიფიკაციის ამაღლების საქმეში, განაზოგადონ და გაავრცელონ სწავლების მოწინავე მეთოდები და გამოცდილებანი, გააუმჯობესონ ინსტიტუტის სასწავლო მატერიალური ბაზა.

4. საქართველოს სსრ მინისტრთა საბჭომ განიხილოს რესპუბლიკის ზოგადსაგანმანათლებლო სკოლების მატერიალურ-ტექნიკური ბაზის შემდგომი გაფართოება-განმტკიცების, კაბინეტ-

ლაბორატორიებით, სასკოლო-ინვენტარით უზრუნველყოფისა და
იმ პროფესიულ-ტექნიკური სასწავლებლების რაოდენობის გაზრდის
საკითხები, რომლებიც იძლევიან საშუალო განათლებას.

საქართველოს
განათლების
მინისტროს
განყოფილება

საქართველოს სსრ უმაღლესი საბჭოს
პრეზიდიუმის თავმჯდომარე გ. ძოწენიძე

საქართველოს სსრ უმაღლესი საბჭოს
პრეზიდიუმის მდივანი ზ. კვაჭაძე

საქართველოს სსრ უმაღლესი საბჭოს პრეზიდიუმის 1972 წლის 19 ოქტომბრის დადგენილების — „რესპუბლიკაში საყოველთაო საშუალო განათლებაზე გადასვლის მდგომარეობის შესახებ“ განხორციელების მიზნით

ვ ბ რ ძ ა ნ ე ბ

1. აფხაზეთისა და აჭარის ასსრ მინისტრებმა, სამხრეთ ოსეთის ა/ო, ქალაქებისა და რაიონების განათლების განყოფილებათა გამგეებმა:

ა) უზრუნველყონ სკოლის ასაკის ყველა ბავშვის სწავლებაში ჩაბმა, მიიღონ საჭირო ზომები მოსწავლეთა კონტინენტის შენარჩუნებისათვის; არ დაუშვან მოზარდების გასვლა სკოლიდან არასაბატიო მიზეზით; მიაღწიონ ადრე სკოლიდან განთესილების სწავლებაში ჩაბმას, მოაწესრიგონ სასკოლო ასაკის ბავშვთა აღრიცხვა, დაამყარონ ამ საქმეში მჭიდრო კავშირი ადგილობრივ საბჭოთა ორგანოებთან;

ბ) მიაღწიონ იმას, რომ უკლებლივ ყველა მოსწავლე ამთავრებდეს რვაწლიანი სკოლის სრულ კურსს და შემდგომ, საშუალო განათლების მისაღებად სწავლას აგრძელებდეს საშუალო სკოლის მე-9 კლასში, ტექნიკუმში ან პროფტექნიკურ სასწავლებლებში;

გ) შეიმუშაონ და განახორციელონ კონკრეტული ღონისძიებები სკოლებში სასწავლო-აღმზრდელობითი მუშაობის ღონის შემდგომი ამაღლების, განათლების ორგანოებისა და სკოლების ხელმძღვანელთა მოდერნიზაციის გაუმჯობესების მიზნით; გაატარონ ქმედითი ღონისძიებანი მოსწავლეთა აკადემიური ჩამორჩენილობის აღმოსაფხვრელად; განსაკუთრებული ყურადღება დაუთმონ მოსწავლეთა ცოდნის შეფასებაში ლიბერალიზმის აღმოფხვრას, ამასთან იბრძოლონ მეორეწლიანობასთან, როგორც ბავშვების სკოლიდან გასვლის ძირითად მიზეზთან;

დ) გააუმჯობესონ მოსწავლეთა შრომითი აღზრდისა და პროფორიენტაციის სისტემა, მუდმივი ყურადღების ქვეშ იყოლიონ



ზღვრამავებული სწავლების ჯგუფები, მოაწესრიგონ ფაკულტეტების სწორი და ეფექტური გამოყენება, სისტემატურად შეამოწმონ ყოველმხრივი დახმარება გაუწიონ სკოლებს ახალ სასწავლო გეგმებსა და პროგრამებზე გადასვლის საქმეში;

ე) სკოლების მუშაობაში ფართოდ დანერგონ სწავლების ტექნიკური საშუალებები, მიიღონ ზომები ახალი ტექნიკითა და თვალსაჩინო მასალებით სკოლების დაკომპლექტებისათვის;

ვ) განუხრელად აამაღლონ მასწავლებელთა ოსტატობა; მიიღონ გადამჭრელი ზომები იმ პედაგოგთა მიმართ, რომლებიც პროფესიული უვარჯისობის გამო, სამუშაოდან განთავისუფლებას იმსახურებენ, ამასთანავე მიაღწიონ პედაგოგიური კადრების დენადობის ლიკვიდაციას, მკაცრი კონტროლი დააწესონ მასწავლებელთათვის მთავრობის მიერ დადგენილი შეღავათების განხორციელებაზე;

ზ) მიიღონ ზომები შორს მცხოვრებ მოსწავლეთა ტრანსპორტით უფასოდ სკოლაში წაყვანისა და სახლში მიყვანისათვის. საჭირო ყურადღება მიაქციონ სასკოლო ინტერნატებში ნორმალური პირობების შექმნის საკითხებს;

თ) გააძლიერონ აღმზრდელობითი მუშაობა მშობლებსა და მოსწავლეებს შორის. მიაღწიონ მოზარდთა მიერ კანონსაწინააღმდეგო მოქმედების ფაქტების სრულ ლიკვიდაციას;

ი) ყოველმხრივ შეუწყონ ხელი პროფტექნიკური სასწავლებლების დაკომპლექტებას იმ მოზარდებით, რომლებმაც 8 კლასი დაამთავრეს, მიიღონ ზომები, რათა პროფტექნიკური სასწავლებლების არც ერთი მოსწავლე არ დარჩეს ზოგადსაკანონათლებლო სალამოს (ცვლის) სკოლაში სწავლის გარეშე; მომუშავე ახალგაზრდებს შეუქმნან ყოველგვარი პირობები საშუალო განათლების მისაღებად.

2. სკოლებისა (ა. ჩხიკვაძე) და საგეგმო-საფინანსო (ა. კვაჭაძე) სამმართველოებმა 1972 წლის 25 დეკემბრამდე შეისწავლონ შერჩევით სამ რაიონში საყოველთაო-სავალდებულო რვაწლიანი სწავლების კანონის გატარებისა და საყოველთაო-საშუალო განათლებაზე გადასვლის მდგომარეობა და შედეგები მოახსენონ კოლეგიას.

3. ეს ბრძანება განხილული იქნას ავტონომიური რესპუბლიკების განათლების სამინისტროების კოლეგიების, ოლქის, ქალაქ-

ბისა და რაიონების განათლების განყოფილებათა საბჭოების სხდო-
მებზე და დასახული იქნეს კონკრეტული ღონისძიებები მასში
ნიშნული ხარვეზების სალიკვიდაციოდ.

საფუძველი: საქართველოს სსრ განათლების სამინისტროს
კოლეგიის 1972 წლის 7 დეკემბრის დადგენი-
ლება.

საქართველოს სსრ განათლების
მინისტრი **თ. ლაშქარაშვილი**

შ ი ნ ა ა რ ს ი

1. ბრძანება № 601—ესთეტიკის დარგში რესპუბლიკის მოსწავლეთა ზოგადი ცოდნის მდგომარეობის შესახებ	3
2. ბრძანება № 620/490—საქართველოს სსრ მსუბუქი მრეწველობის სამინისტროს სისტემის საწარმოთა ზოგადსაგანმანათლებლო მომზადების გაუმჯობესების ღონისძიებათა შესახებ	7
3. ბრძანება № 622—ახალგაზრდობის პროფესიული ორიენტაციისათვის მუშაობის გაუმჯობესების შესახებ	12
4. ბრძანება № 638—თიანეთის რაიონის სახალხო განათლების განყოფილებისა და სკოლების მუშაობის შესახებ საქართველოს სსრ განათლების სამინისტროს 1971 წლის 12 ოქტომბრის № 602 ბრძანების შესრულების მიმდინარეობის შესახებ	22
5. ბრძანება № 641—ქ. რუსთავის მუსიკალური ჯგუფების შემოწმების შედეგობი შესახებ	47
6. ბრძანება № 651—რესპუბლიკაში საყოველთაო-საშუალო განათლებაზე გადასვლის მდგომარეობის თაობაზე საქართველოს სსრ უმაღლესი საბჭოს პრეზიდიუმის დადგენილების განხორციელების შესახებ	50

რედაქტორი უშ. ოზოლაძე
კორექტორი ე. აგლაძე

შპსი 14-კპპ.

ხელმოწერილია დასაბეჭდად 6/II-73წ. ანაწყოების ზომა 6X9,5,
ქაღალდის ზომა 60X84, სასტამბო ფორმათა რაოდენობა 4.

შეკვ. № 1102

უე—05277

ტირაჟი 5.000.

საქ. სსრ მინისტრთა საბჭოს გამომცემლობათა, პოლიგრაფიისა და წიგნის
ვაჭრობის საქმეთა სახელმწიფო კომიტეტის მთავარპოლიგრაფმრეწველობის
სტამბა № 11, უშ. ჩხეიძის ქ. № 19

Типография № 11 Главполиграфпрома Государственного Комитета
по делам издательств, полиграфии и книжной торговли Совета
Министров Грузинской ССР, ул. Уш. Чхеидзе № 19